

**Inval na Madiki; Prome instante a kere cu
tabata na cas di Benny Sevinger..**

**PLACA, ARMA Y DROGA
A KEDA CONFISCA
MARDUGA DURANTE
INVAL NA PARADIJSWIJK
Tres persona deteni**



**Escandalo no por bay den doofpot....
4000 dama Arubiano
engaña cu PAP-test
cu nunca a wordo procesa
Dos sospechoso.. Unda husticia
a keda?**



**“Mi ta inocente y
hamas a pone un
dede riba amiga
di mi yiu”**



**Mocion di
desconfianza
di AVP contra
Minister Rudy
Lampe a keda
rechaza cu 12
voto contra vs
9 pro**

**Huez a huzga cu Corte e no tin
autoridad pa dicta gobierno pa legalisa
casamento di mes sexo of ‘geregisreerd
partnerschap”**



Inval na Madiki; Prome instante a kere cu tabata na cas di Benny Sevinger..

Razzia grandi na madiki pa labamento di placa y droga

Tres persona deteni



Relaciona cu un investigacion grandi pa algun tempo caba Afpakteam a subi caya hunto cu FIOT diaranson marduga y drenta un cas den Caya Frere Johannes situa den Paradijswijk.

Basaribauninvestigacion di labamento di placa a detene 3 persona den nan un dama. Un vehiculo, basta placa, droga, y un arma di candela a keda confisca. Den e cas a tuma varios cos den beslag. Team

di aresto a bay cu e sospechoso principal. Afpakteam ta consisti di varios departamento di husticia cu ta KPA, OM, FIOT, Marechaussee, Kustwacht y mas departamento.



PREMIER EVELYN WEVER-CROES A MANDA MENSAHE DI CONDOLENCIA PA PREMIER MARK RUTTE DI HULANDA

De Minister-President
Dhr. drs. Mark Rutte en familie
Den Haag
NEDERLAND

Mijn oprechte deelneming met het overlijden van je geliefde moeder.
Moge de mooie herinneringen het verlies verzachten.
Ik wens jou en de nabestaanden veel kracht toe in deze droevige tijd.

Namens de Regering van Aruba,



Den number di Gobierno di Aruba, Premier Evelyn Wever-Croes a manda palabranan di condolencia y forsa na Premier Mark Rutte y famia cu fayecimento di su kerida mama, señora Mieke Rutte-Dilling, kende a fayece na e bunita edad di 96 aña dia 13 di mei ultimo. Cu e bunita recuerdonan duna e famia forsa den e tempo dificil aki. Premier Rutte a aprecia y gradici e atencion aki.

Mocion di desconfianza di AVP contra Minister Rudy Lampe a keda rechaza cu 12 voto contra vs 9 pro

Un mocion di Avp pa asina busca un mayoria den parlamento pa core cu Minister Lampe, no a haya sosten diamars anochi. Durante henter dia Parlamento a debati riba e trabao di Minister Lampe. Tin hopi desacuerdo cu su persona for di e mundo di enseñansa. Sinembargo Rudy a duna un presentacion largo na Parlamento di su trabao intensivo y Parlamento di coalicion a bini cu algun mocion pa asina cambia su curso, pero no pa bahe. Defacto cu un mocion di desconfianza, lo por nifica tambe final di coalicion.

Pues pa awor Rudy Lampe a haya sosten



di coalicion, unda e ta sigui como Minister di Enseñansa pero cu algun instruccion serio

pe cambia curso. Entre otro ta pidi'e pe ahusta su maneho un poco.

Mucha muher a dal un substancia cu a pone altera y bira agresivo



Diadomingo atardi a drenta informe di cu un muchamuhér lo ta basta agresivo esaki aparentemente despues di a usa un substancia, mesora a dirigi tanto polis como ambulans na e sitio.

Na yegada di e patrulla a bin compronde cu algo a afecta e mucha muher aki su comportacion y a yega na e conclusion cu lo ta mihor pa hib'e hospital.

Na yegada di e ambulans nan a atende y a transporte pa hospital. Pa seguridad di e paciente y e personal di Ambulance, un agente policial a acompaña te hospital. Na hospital e mucha muher a logra di calma full y no tabata tin motibo mas pa Polis keda



(ingezonden)

Andre Bosman en zijn boeven

Laatst was de stoere Andre Bosman in de Tweede Kamer en had het weer over de boeven op de Caribische landen. Uit volle borst deelde hij de Kamer mede dat op Curacao Schotte van de MKF in de gevangenis zit en ook Jamaloodin (verdachte moord Wiels). Ook noemde hij Heyliger van St. Maarten en wat Aruba beteft stelde een Stoere Bosman dat een paar politici klaar staan om de gevangenis in te gaan. Het is vreemd dat hij de namen van de Arubaanse poitici niet noemde! Hij moest zeggen dat ze allemaal op de lijst van de AVP/CDA stonden, t.w. Paul Croes van de AVP/CDA (zaak IBIS), Benny Sevinger van de AVP/CDA (zaak Avestruz), Mike Eman leider AVP/CDA (zaak Wasmachine van de Venezolaanse crimineel Rincon) en wie weet zijn er nog een paar kopstukken van de AVP/CDA die in de gevangenis zullen belanden! Als "tip" noemde Nosman "Serlimar"! Was Bosman soms bang om de kamer te informeren dat het zo goed als allemaal mensen zijn van de AVP/CDA en de zusterpartij van dhr. Knops(CDA) en (Gradus /CDA).

De vergadering in de Tweede Kamer was een politiek debat over "Financiële ondersteuning Caribische landen ivm de Corona-crisis", maar stoere Bosman moest de kans grijpen om de politici/boeven op de eilanden flink van langs te geven. Over 1 punt had Bosman helemaal gelijk nl. dat de Fianciele situatie o.a. op Aruba veel beter zou zijn geweest, als er eerder drastische maatregelen werden genomen toen Aruba aan de rand stond van faillissement! Maar Bosman weet drommels goed dat de AVP/CDA begon te regeren met een overheidsschuld van 40% en onder "streng toezicht van de CAFT (de Nederlandse Partijgenoten van de VVD'er Andre Bosman: Henk Kamp (VVD en Sybilla Dekkers (VVD) en van de CDA'ers (partijgenoten van Knops(CDA) en Gradus (CDA). Mike Eman van de AVP/CDA, presteerde het om de overheidsschuld van 40% naar een

onvoorstelbare 90% de afgrond in te sturen? Dit allemaal onder de zg. "streng" toezichte oog van de VVD/CDA (CAFT bestuur!) Waarom greep Nederland niet in maar liet toe dat de AVP/CDA politici een financiële ramp veroorzaakten op Aruba, Maar ja, Mike Eman had zijn CDA-broeders in Nederland die flink voor hem moesten lobbyen in Den Haag (met of zonder betaling) Nederland stond toe dat partijleider Mike Eman van de AVP/CDA zijn bureau met 400 plus partijgenoten kon bemannen. Volgens de CAFT waren het maar ongeveer 137 personen werkzaam bij het bureau aan de AVP/CDA'er Mike Eman/ De CAFT liet toe dat hij feest kon vieren met de biljoen kosten campagne-programa "Bo Aruba" dat flink werd bekritiseerd door de Algemene Rekenkamer.

Volgens dhr. Bosman zijn er geen Boeven in Nederland! Hij zou goed doen een onderzoek in te stellen in alle gevangenis in Nederland en in het buitenland om na te gaan hoeveel Autochtone Nederlanders in die gevangenis zitten in vergelijking met de Allochtone (2e rangs nederlanders). misschien dat "stoere" Andre Bosman dan ophoudt de allochtone nederlanders uit te schelden voor boeven.

Dhr. Bosman zou goed doen meer aandacht te besteden aan zijn eigen "achtertuin" zoals o.a. ;

grootschallige fraude bij de aanbesteding in China van streekbussen voor Overijssel ter waarde van niet minder dan 900 miljoen euro! Volgens Nederlandse aanbestedings-experts is hier sprake van frauduleuze afspraken, dus corruptie.

het jaarlijks verkwisten van 4 1/2 miljoen euro gemeenschapsgelden dat gebruikt wordt voor het houden van feesten, etentjes, uitjes naar o.a. Walibi etc.etc.



Het prive gebruik en afsluiten voor het publiek van publieke park Apeldoornse bossen om rustig te kunnen jagen met een jaarlijkse subsidie van niet minder dan 4.7 miljoen euro. Het gesjoemel met agrarische gronden/ varkensstallen, voor het bouwen van een prive-woning. Een "tip" voor de stoere dhr. Bosman : "varkensstallen"! Het zou goed zijn dat de hierbij betrokken politicus zich uit de

politiek terugtrekt aangezien dit een zeer slecht voorbeeld is voor zowel de autochtone als allochtone corrupte boeven.

Dit bericht is in het Nederlands, zodat de Nederlandse "postbode" voor roddelbrieven van o.a. vakbonden dit kan opsturen naar belanghebbenden. Op een ander punt heeft dhr. Bosman eveneens groot gelijk, nl. : " het Statuut moet anders". Groot gelijk heeft dhr. Gosman: Er bestaat 1 Koninkrijk der NEDERLANDEN met Nederlandse staatsburgers. Zoals het nu is zijn er 1ste-rangs en 2de-rangs Nederlandse burgers, nl. de autochtone en de allochtone Nederlanders. Het is toch 1 Koninkrijk? Of is het gesplitst in twee categorieën burgers? Overigens: "Sans Rancune"



Pabien! Na e prome 297 companianan cu a ricibi e seyo di pre-check di Aruba Health & Happiness Code!

Nos ta gradici boso pa boso dedicacion y colaboracion pa asina eleva nos nivel di higiena y salud cu ta contribui na e futuro duradero di Aruba.



Food & Beverage

1511 Coffee Boutique
3 Brothers Barbecue
5 o' Clock Somewhere Bar
Alibaba Grill Bar Restaurant
Amada's Kombucha
Amore Mio Pizzeria
Amuse Meets Barbecue
Anna-Maria's Autentico Ristorante Italiano
Aquarius restaurant
Aruba Experience Café
Aruban Seafood
Así es mi Perú
Azia Restaurant & Lounge
Balashi Beergarden Café
Bavaria Restaurant
Beach Club
Bistro de Suikertuin
Blue Bar
Bohemian Restaurant
Bombaztea Aruba
Bowls Noodle Bar Aruba
Bright Bakery
Bugaloe Beach Bar & Grill
Burgerking
Cafe 080
Café Restaurant Bingo
Café the Plaza
Casa Tua Arawak
Casa Tua Seaport
Chalet Suisse Restaurant
Ché Bar
Chubato Beer World
Coffee Break/Aruba Coffee Roasting Company
Cuccina italiana da maria
D-Roti Spot
Djiespie's Place N.V.
Domino's Pizza
Don Pastechi
Dunkin Donuts & Baskin Robbins
Eagle Bowling Palace
Eduardo's Beach Shack
Elements Restaurant
Excelencia Catering
Faro Blanco Restaurant
Fermins BBQ
Flor de Oriente
Fred Restaurant
Fresco
Garden Fresh Cafe
Gari & Wasabi
Gasparito restaurant
Gianni's Ristorante Italiano
Golazzo Café NV
Haagen-Dazs Renaissance Marketplace
Hopi Bon Grill
Hostaria da Vittorio Restaurant
House of Cakes
Hoya
Huchada
Hung Paradise
Hungry Piranha Pizzeria
Ike's Bistro
Indo Restaurant
Infinity Pool Bar and Grill
Isla pop
Italy in the World
Kouzina Restaurant
Kulture Café
Kyoto Restaurant
L'Olio Restaurant
La Esquina Latina Restaurant

La Granja
LG Smith's Steak & Chop House
Linda's Dutch Pancakes
Little Jerusalem
Los Cafeteros Restaurant
Lucy's Retired Surfers Bar and Restaurant
Mangel Halto Bar
Marina Pirata
Mexico Lindo
Moomba Beach Bar & Restaurant
Mulligan's Golf Café
Nicecream/Sandra's Garden
Nikkei Sushi Bar
Oak Restaurant & Bar
On The Rocks Bar & Grill
One Happy Bowl
Papillon restaurant
Pelican Nest Seafood Grill
Piazza Italia & Kono Pizza
Pika's Corner Aruban Cuisine
Pinchos Grill & Bar
Poko Ono
Quinta Del Carmen
Red Fish Restaurant
Restaurant Anno 1877
Restaurant Elmas
Ricardo's Restaurant & Bar
Royal Level Restaurant
Salt & Pepper
Scott's Brats
Sea Breeze Restaurant & Bar
Sole Bar
Sole Mare Restaurant
Starbucks Mall and Starbucks Marketplace
Starbucks Paseo Herencia Mall
Stre'i Mainta Coffee Shop
Studio Murano Art
Subway Aruba
Sushi Ya
Sweet Peppers Restaurant & Bar
Taste My Aruba
The Amigos bar & Restaurant
The Beach Bar
The Coffee Corner
The Cove Restaurant
The Kitchen
The Kitchen Table
The Movies @ Principal
The movies @ Renaissance
The Old Cunucu House restaurant
The Palms Buffet
The Pastechi House
The Pink Panther Restaurant
The West Deck Island Grill & Beach Bar
Tiki Pool Bar & Grill
Torino Sport Bar & Grill
Urataka Center/Best Pizza
Wilhelmina Restaurant
Windows on Aruba



Accommodation

Amsterdam Manor Beach Resort
Aruba Blue Village
Aruba Boutique Apartments
Aruba Cunucu Residence
Aruba Happy Rental vacation homes
Aruba Quality Apartments & Suites
Aruba Tropic Apartments
Aspid Apartments
Bali Retreat Aruba
Barceló Aruba
Beach House Aruba Apartments
Bird of Paradise

Blue Sky Guesthouse
Boardwalk Boutique Hotel
Brisas Studio Apartments
Bucuti & Tara Beach Resort
Buddha Studio Apartments
Cariñas Studio Apartments
Cas Elizabeth
Casa del Mar Beach Resort
Casa del Sol
Cattoo Suites Aruba
Caya Luna Apartments
Centro Quivit
Costa Esmeralda Village
Criojo B&B
Cunucu Villas Aruba
Divi and Tamarijn All Inclusive Hotels
Divi Aruba Phoenix
Divi Dutch Village Beach Resort
Divi Village Golf & Beach Resort
Divi Village Golf Resort
E Cas di Zoe
Elements of Aruba
Holiday Inn Resort Aruba
Koyari Modern Condos
La Cabana Beach Resort & Casino
La Dolce Vita Apartments
Levent Condominiums
Manchebo Beach Resort & Spa
Maximum Torque Corporation VBA
MVC Eagle Beach
North Shore Cottage Aruba
Palm Garden Apartments Aruba
Palm Hills Villa
Paradera Park
Pauline's Apartments
Perle d'Or Aruba
Piece of Paradise
Prestige Vacations Aruba
Radisson Blu Aruba
Renaissance Aruba Resort & Casino
Rentstar Aruba
Riu Palace Antillas
Riu Palace Aruba Hotel
Sabana Liber
Sero Biento Apartments Aruba
Seroe Pita
Swiss Paradise Aruba
Talk of the Town Hotel & Beach Club
Tierra Del Sol Resort & Golf
Tu Casita en Aruba
Tunastraat
Turibana Plaza
Victoria City Hotel
Vidaruba Company VBA
Vila Kamay Hills Aruba
Villa Adelaida
Villa Aloe
Villa Azul
Villa Blanca
Villa Buball Escape
Villa Leila
Villa Marquesa
Villa Nirvana
Villa Rossana
Washington Gardens
White Beach Apartments
Wonders Boutique Hotel
Yellow Escape Vacation Rentals
Your Tropical Apartment



Retail

Adams House for Men
Amc Unicon

American Apparel Aruba Corp NV
Artphoto
Aruba Aloe Factory Store
Aruba Incense
Aruba Supplies & Distribution
Bontires Enterprises
Caribbean Bakery supplies
Casa del Mar Minimarket
Casa Intertoys
CellularXpress
Cigar Emporium
Citgo Palm Beach Market
Cliffix Musical Instruments
Cododo Convenience Store
Cosecha (O'stad)
Dana's Interior & Boutique
Diamante Jewels & Time
Discovery Travel NV
Eagle Convenience Market
Eagle Laundry Aruba
Eternity Fine Jewel
Eva Boutique
Golden Globe Hardware
Gucci
Holland Roots-Everything Dutch
Jewels in paradise
Kiekebooh!
Kooyman Aruba
Lucky Electronics
Maggy's
Mei Da Super Center
Michael Kors
My Gallery Aruba
My Lady Sportswear
NG Supermarket
Paper Sisters
Paseo Herencia Mall
Plaza Bookshop
Prada Retail Aruba N.V.
Pretty Ballerinas Aruba
Pro Shop - The Links at Divi Aruba
Renaissance Mall
Renaissance Marketplace
Run Hong Hardware
Sams Store
Save More Food Stores
Souvenir Mive
Super Food Plaza
t Juwelenhuisje N.V.
Terrafuse Arubaglassceramics
The Caribbean Store
Tielemans Office Machine N.V.
Tommy Hilfiger
Tommy Hilfiger Paseo Herencia
TradeWinds Aruba
Trash by Ronchi
Varadero Caribe NV
Vessi Pet House
VitalChoices



Food Truck

Arucamba Snacks
Candela
Fruit Fun Spot
Happy Appy Shoarma
Kabayan Snack
Neji's Snack Truck
Pepe Nacho Mexican Food
Pofferdorie

Ultimo dia pa registra ta diadomingo, 31 di mei. Subi riba www.arubacovid19.org/ahhc pa completa bo registracion mandatorio.

Un dama herida den boksmento na Hooiberg



Hooiberg - Diamars den oranan di atardi polis a bay ariba e caminda di Hooiberg, unda lo tin un accidente cu hende

herida.

Na yegada polis a topa cu dos auto para tras di otro. A resulta cu un

chauffeur no a regula su velocidad y/of mantene distancia causando cu e ta dal tras di e Hyundai Hatchback.

Tawata trata di dos auto marca Hyundai. E dama den e Hyundai dilanti tawata sinti dolor y pa e motibo aki

a pidi pa Ambulance. Paramediconan na yegada a bay atende cu e dama.

Polis a bay Cocostraat na Dakota pa un persona sospechoso banda di e school, posiblemente un child molestor!



Diamars mainta a drenta informe di cu tin un auto sosopechoso banda di e school den Cocostraat na Dakota, mesora a dirigi un patruya na e sitio.

Na yegada di e patruya a papia cu un di e maestranan y a bin compronde cu aki ta trata di cu pa algun dia caba tin un persona ta cana y para banda di e school pa wak e muchanan, awe e mesun persona a bini pero den auto y a keda sinta den auto ta wak e muchanan.



Mama di amiga ta reacciona; **“Mi ta inocente y hamas a pone un dede riba amiga di mi yiu”** **El’a bay voluntariamente polis interrogacion**

SOLO DI PUEBLO cumpliendo cu derecho di replica a scucha y ta presenta e banda di medaya di Sra. Rosa Maxwell, kende kier aclaria su nomber, pa loke ta trata e acusacionnan cu tin den su contra na polis pa amiga di su yiu. E denuncia den su contra ta cu na dado momento Rosa a bira agresivo y a cumenza agredi amiga di su yiu den un kamber di cas na Savaneta.

Rosa ta desmenti: “Nunca ma haci esey”

Segun Rosa Maxwell, na un dado momento el’a scucha desordo pafor di su kamber y a sali pa bay wak e situacion. Di berdad el’a topa cu amiga di su yiu hunto cu par amistad mas den kamber ta purba na controle y wante. E tabata kier a core bay pafo, pero e momento ey e tabata casi sin paña y no tabata apto pa lage haci esey.

Lamentablemente e tabata incontrollabel y nos a keda papia cune pa calm e down. Den e proceso ey, e tabata ranca, dal den muraya y despues el’a bay dal su cara den un vaas den e kamber. No ta descarta cu den e lucha pa wante pe no core bay pafor subi caminda y pa un auto por alcanse, algun amiga tabata wante y kisas poco duro tambe.

Dicon Rosa no a yama puntra pe of bay wak e na hospital?

Rosa a sigui conta SOLO DI PUEBLO cu ni e ni su yiu por a aserca e famia mas, pasobra for di e anochi ey caba, palabranan di menasa a cay contra dje. Despues a sigui mas menasa contra nan via facebook. “Con bo kier nos bay hospital? Pa nan bringa cu nos?”, Rosa a puntra. Esey ta e motibo cu nos mes a keda den shock di kico tur a pasa y no por a acudi. Ningun famia a asercami na un forma corecto pa puntra kico a pasa.

A post foto di victima riba Facebook, dicon?

Segun Rosa a sigui contra, cu enberdad a post un potret riba face. Esey a wordo haci, na un momento cu emocionnan tabata hopi halto, y tabata mas bien un reaccion riba otro post di famianan cu tabata dirigi nan mes contra nos. Mi yiu kisas no mester a haci esey, pero e momento ey mi no tin control di mi yiu. Berdad mi yiu a post un screenshot.

Tabatatin bebemento na e



fiesta?

Ta acepta cu tabatin bebemento entre nan cu nan y nan weganan cu nan haci. Sinembargo segun Rosa, e mes no a bebe y no tabata den nan fiesta, sino a keda den su kamber na e cas. Segun Rosa pues e tabata na e cas den su kamber, pero no cu e muchanan den fiesta.

Tabatin amigo presente tambe?

Rosa ta bisa cu tabatin un amigo di nan tambe presente, kende ta bisa cu algun ocasion e mester a drenta pool pa saca e dama, pasobra ta den pool e kier a keda drenta y no tabata den un estado cu por a controla su mes den pool. Durante di a lucha pa sake di pool, eynan a rasca su pia. Esey te rasca cu e tin na su pia.

Ken ta Rosa?

“Mi ta un dama trahador. Semper ma traha duro pa saca mi famia dilanti. Mi a sali hasta empleado di aña na mi trabao. Nunca ma hayami involvi cu husticia. Mi tin un clean record. Mi no a golpia amiga di mi yiu, alcontrario, mi a actua pa yude.”

Rosa wordo detenti pa interrogacion y no conoce ningun polis Nuñez;

Segun Rosa cu diamars mainta e mes a acudi na warda di polis voluntariamente pa asina trece su banda di informacion.

Ora el’a yega el’a keda deteni y a pasa den e proceso. Despues el’a wordo interroga. Te banda di 6.or di atardi, el’a wordo laga bek den libertad, pasobra e investigacion ta sigui cu interrogacion di e otro personanan. Den henter e alegacionan treci dilanti ta tildando Rosa di ta wordo yuda door di un polis Nuñez. Segun Rosa cu hamas di su bida e conoce e polis ey y no tin ningun sorto di amistad cune.

SOLO DI PUEBLO lo sigui e caso aki di cerca pa asina mira kico e investigacion di polis lo bay saca afor.



Corte den prome instancia: Pareha homosexual a perde caso Huez a husga cu Corte e no tin autoridad pa dicta gobierno pa legalisa casamento di mes sexo of ‘geregisreerd partnerschap’

Huez a haya si cu Gobierno ta actua ilegal y mester busca un alterntiva pa
comoda pareha di mes sexo

Corte di Prome Instancia di Aruba a dicta den un caso cu pais Aruba ta actuando ilegalmente contra parehanan di e mesun sexo.

Nan no ta ofrece na e genero e oportunidad di registra, semper y cuando e matrimonio no ta habri pa nan.

E caso a wordo presenta pa e fundacion Orguyo y dos hende muhe. Den e proceso, nan a alega entre otro cosnan, cu Corte General mester dicidi cu e legislacion matrimonial vigente, cu solamente ta permiti cu un homber y un muhe casa entre nan, ta contrario na e Constitucion y e Statuut y tambe lo conta den cumpli cu e regulacionnan internacional cu ta wordo aplica na Aruba (manera e Convenio Europeo di Derechonan Humano CEDH).

Nan a solicita ademas pa Corte ordo pais Aruba modifica e legislacion riba e punto aki.

Finalmente, tambe nan a exigi pa pais Aruba wordo sentencia den ingresa nan den e sociedad registra, semper cu no ta posibel cu e parehanan di e mesun sexo casao.

Corte General a dictamina e sentencia cu hues no tin e poder di sentencia Pais Aruba pa introduci cierto leynan of cambia e leynan existente.

Por lo tanto, pais Aruba no por wordo condena na un matrimonio habri cu parehanan di e mesun sexo ni na forma parti di un sociedad registra.

Sin embargo, di e jurisprudencia di Corte



Europeo di Derechonan Humano (TEDH) ta desprende cu pais Aruba ta culpabel di discriminacion den ofrece e parehanan heterisexual e oportunidad di casa, pero e parehanan di e mesun sexo no.

Ademas di e balor emocional cu e matrimonio tin, tambe ta ofrece tur tipo di beneficio (hasta den e campo di ley di pensioen, impuesto y herencia) cu e parehanan heterosexual tin y e parehanan di e mesun sexo no tin.

Sin embargo, Corte Europeo a dictamina cu e paisnan miembro di CEDH no tin cu elimina e desigualdad aki habriendo e matrimonio di e mesun sexo.

Tambe nan por remedia e desigualdad aki, ofreciendo e parehanan

di e mesun sexo un alternativa ekivalente manera un asociacion registra.

Esey ta nifica cu un pais por opta pa habri e matrimonio na parehanan di e mesun sexo. Sin embargo si un pais no opta pa esey y posteriormente no ofrece un posibilidad alternativo di un sociedad registra, e ora ey e ta actuando ilegalmente.

Por lo tanto, den e caso aki, Corte General a dicta cu pais Aruba ta actuando inhumane door di no introduci na e sociedad registra, mientras cu no ta posibel cu e parehanan di e mesun sexo casa.

Pais Aruba a invoca cu Parlamentonan a aproba den un proyecto di ley pa e introduccion na e sociedad registra, cu tambe por subscribi e parehanan di e mesun

sexo.

Riba e punto aki, Corte General, a sentencia cu e propuesta aki tabata presente na Parlamento durante tres aña y ainda no tin un claridad riba si e propuesta aki lo wordo adopta of no.

Por lo tanto pais Aruba ta actua ilegalmente den pospone su introduccion.



Escandalo no por bay den doofpot....

4000 dama Arubiano engaña cu PAP-test

cu nunca a wordo procesa

Dos sospechoso.. Unda husticia a keda?

Na luna di Juli 2019 a rementa un noticia na laboratorio di hospital riba alrededor 4000 paptest cu nunca a wordo procesa y a wordo gekonkel den un resultado falso pa muhernan Arubiano. Basicamente e testnan aki nunca a wordo haci pero si a wordo factura y cobra.

Modus operandi, director di laboratorio y empleado di laboratorio involvi;

Via un trucu di e director di laboratorio di hospital, Ruud Bakkas hunto cu un empleado, tabata gaña manda e paptestnan na un laboratorio CR Labs na Hulanda, cual a bin resulta cu CR Labs ta registra na su mes adres di cas di Ruud Bakkas na Hulanda. CR Labs tabata manda factura pa cobra, mientras e test mes den gran mayoria nunca a yega Hulanda, pero tabata bay na cas di un empleado na Aruba unda tabata fabrica e resultadonan sin cu nunca e test a wordo sometí na un proceso di test.

No solamente ta un acto fraudulento, pero un acto criminal contra 4000 hende muher.

E fraude aki ta dal den 2 miyon florin cu a wordo horta na un manera di mas baho posibel, hungando cu salud di hende muhe, engañando nan cu un resultado cu ta fictisio.

Solo di Pueblo for di fuentenan na altura a bin compronde cu Hospital a laga haci un investigacion financiero y forensico riba e dos personanan aki pa cual ambos rapport ta proba cu cosnan a bay robes.

Dia 8 di November 2019 Director di Hospital a bisa cu e investigacion a wordo haci y te hasta a crusa lama bay Hulanda. E rapportnan tin 250 pagina. Cu nan ta studiando e rapport pa evalua e siguiente pasonan.

Solo di Pueblo a aserca Hospital



e siman aki pa asina puntra riba e dos empleadonan aki. Hospital a limita su contesta na Solo, indicando si cu tanto Ruud Bakkas y Lozano no ta trahando mas ni tampoco ta cobrando salario na laboratorio.

Enbista di e dlanan druk di corona, SOLO lo bay aserca

hospital atrobe pa haya sa kico hospital a haci cu e caso aki.

Laga un caso asina bay impuno, no ta un opcion, no ta nada bon y mas bien lo nifica un proteccion pa esnan cu a actua robes y un castigo dobbel pa 4000 hende muher. Notabel ta cu ya un aña a transcuri y e caso a keda den

silencio.

SOLO ta carga speransa cu e siman aki of otro siman lo por haya un clarificacion di kico a sosode of kico ta bay sosode!

Husticia ta na su lugar pa asina esnan cu a traha e plan criminal aki, carga nan responsabilidad

Chauffeur coriendo cu velocidad halto a perde control baha caminda kibra un palo di luz y bay otro banda di caminda dal auto staciona




Diadomingo anochi a drenta informe di un accidente basta fuerte y cu hende herida na e birada di Mabon, mesora a dirigi tanto polis como ambulans na e sitio. Na yegada di e patruxa a bin compronde cu e chauffeur tabata bayendo nort cu un velocidad basta halto y cu pa un motibo desconosi a perde control baha caminda kibra un palo di luz bay otro banda y dal riba un auto staciona.

E impacto tabata basta fuerte y e chauffeur a resulta herida. Ela haya sla na su pecho por mira esaki na e stuurwiel con esaki a keda tur dobla. E sla na e pecho como tambe un kap na cabez ta debi cu e no tabata tin faha di seguridad bisti.

Na yegada di e ambulans nan a atende e chauffeur y a transporte cu urgencia pa hospital.



Joggers y walkers ta reclama espacio pero parti di E.J. “Warty” Vos blvd. su walkway ta traha riba tereno PRIVA



Dialuna mainta polis di bario a bay na Seroe Patrishi na e paper clip rotonde unda hopi hende cu ta cana y core riba e walkway ta reclamando e autonnan para eyriba.

Despues di cu e habitantenan a mustra documentonan di e tereno a bin realisa cu esey ta tereno propiedad priva di e habitantenan ey.



Ex Prome Minister Nelson Oduber:

“Mayoria politico ta hendenan decente cu a cuida nan lomba den politica y a sirbi nan pais honradamente”

Di unda hopi di e areglonan pa ambtenaar y politico a origina? Tempo cu Aruba tambe tabata parti di Antias a trece un hala di Hulandes Europeo traha aki den gobierno, enseñansa etc. E tempo ey nan a regla pa nan mes “buitenlands verlof”. Nan tabata traha 6 año y haya 6 luna di vacacion cu pago pa bay Hulanda of otro caminda. Keda 6 luna sin traha y keda cobra! E cos aki a keda existi te den decadanan 70, unda cu ora tabatin masha poco Hulandes Europeo a elimina e areglo aki. Plus tin tabata haya placa pa huur cas, auto y tropen toelage etc. Ora cu hopi Arubiano a regresa di Hulanda a elimina e areglo lucrativo aki.

Pensioen y areglonan pa politicianan Hulandes

Na Hulanda tur ministro, secretario di estado cu baha, nan gobierno ta “fix” nan sea commissaris van de Koning den un provincia, burgermeester di un municipio, director di un compania di gobierno, Raad van State of commissaris den companianan di gobierno of empresanan, manera Shell, Unilever, KLM etc. Casi tur ta “fix” nan mes den posicion ora nan retira. Tin ta cobra 4 caminda of mas depende cuanto commissariaat nan tin. Tin algun cu tin hala! Tin hasta ta bolbe bira ministro. E areglonan cu politicianan na Hulanda tin ta un di e mihoran di mundo den areglo di pensioen, wachtgeld, onkosten vergoeding etc.

Na Hulanda tin hende cu a ser obliga pa baha como ministro of secretario di estado y cu a keda cobra

añanan largo wachtgeld. Ultimo añanan tin yen di caso di fraude di politicianan Hulandes cu a fraudeer, sjoemel, konkel cu onkosten vergoeding tanto den parlamento Hulandes y esnan cu ta miembro di Parlamento Europeo. Cantidad tin cu prueba y nan ta ser yuda otro caminda pa “coloca” nan atrobe! Ultimo aki a sali un par di publicacion di hasta nos Rey Willem Alexander den un par di cos cu no ta bunita! Sinembargo esaki no ta duna nos e derecho di bisa cu tur politico na Hulanda ta mescos. Aki nan tur areglo pa politicianan ta hopi deriva di esnan di Hulanda cu logicamente hopi menos y tambe hopi cos, manera onkostenvergoeding cu nos aki no conoce!

Cobramento di pensioen di ex ministronan

Promer cu 1986 bo por tabatin un “uitstervende ras” di unpar di politicianan cu a sirbi como ministro y parlamentario den Antias, cu despues di 1986 a mantene nan areglonan di pensioen. Aki desde 1986 ta solamente ministro cu parlamentario tin y tin un par cu a traha mas cu 10 año pa gobierno cu ta miembro di APNA (Algemeen Pensioenfonds Nederlandse Antillen) y a mantene nan pensioen cu nan a traha y paga pe. Nan ta masha poco mes!

Desde Eilandenregeling tin hende por tabata miembro di Bestuurscollege como diputado of miembro di Eilandsraad cu casi tur no ta cobra nada di pensioen pa e dosnan aki. Mi mes a sirbi 3 periodo como diputado y miembro di

Eilandsraad y no ta haya nada nada pa e casi 11 añanan aki! Mescos 4 año como ex ambtenaar no ta ricibi nada nada, pasobra bo mester a traha minimo 10 año como ambtenaar pa por haya algo! Pensioen di behes tin di nos cu a paga mas cu 40 año prima pa tambe por cobra pensioen di SVB cu sea bo tabata politico of “entrepreneur” bo a contribui grandemente na dje. Derecho sagrado!

Aruba, municipio di Hulanda?

Awor diripiente ta generalisa, lansa calumnia, mentira cu tin politicianan cu 6 pensioen ta cobra sumanan exorbitante etc. y cu nan ta haragan, friends and family y p'esey Aruba mester bira un municipio di Hulanda, lubidando cu tur e areglonan aki cu tin pa tur politico ta cosnan tuma for di Hulanda, anto sumanan hopi mas grandi! Si ta argumento bo kier busca bin cu echonan, menciona number y bisa ta ken ya e ora bo ignorancia, bo odio y egoismo por ser sacia.

Esaki ta un contribucion pa bo sa kico ta kico y stop di generalisa. Mescos cu tin hende cu a biba ariba custia di otro cu sinberguensería y pidi placa tur caminda, lamentablemente tin den politica tambe hendenan asina, pero mayoria politico ta hendenan decente cu a “cuida nan lomba” den politica y cu a sirbi nan pais honradamente trahando dia y anochi. Mescos cu den un caha di webo bo por haya 13 den un caha di un dozijn, bo ta haya politicianan cu ta biba di ñapa y cabey boto!



PICK & GO SERVICE KITS

Mobil 1 Chevron KEYNETIC

4 MOTOR OIL SYNTHETIC
1 CAR OIL FILTER

DETAIL PRICE 57.95
BEST PRICE 39.95

4 MOTOR OIL SYNTHETIC
1 CAR OIL FILTER

DETAIL PRICE 115.95
BEST PRICE 79.95

4 MOTOR OIL SYNTHETIC
1 CAR OIL FILTER
4 COPPER SPARK PLUG

DETAIL PRICE 188.95
BEST PRICE 129.95

SERVICE KITS & LABOR INCLUDED

COME AND CHECK ALL THE FLUIDS OF YOUR CAR FOR FREE

ALL TO CAR
PREMIUM OUTLET

FOR THE BEST SERVICE DON'T FORGET TO MAKE YOUR APPOINTMENT 796.28.36 / 791.26.38

YOUR FACTORY OUTLET

Aruba Bank ta yudabo maneha bo finanzas responsablemente

Den tempo incierto manera e situacion actual di Covid-19

E brote di Coronavirus a trece incertidumbre den nos economia y den nos manera di mantene nos mes. Durante e temponan incierto aki por ta cu bo mester traha menos, enfrenta caida den entrada o reduci bo oranan di trabao. Ta pesey ta importante pa maneha bo finanzas responsablemente y prepara bo mes.

E siguiente 5 pasonan por yuda como tips di cosnan cu bo por haci awor mes pa maneha bo finanzas,

si ta posible, trata di pone algun placa un banda den caso di perdida o reduccion di entrada. Bo lo mester wak tambe ki gasto bo tin y averigua e mihor manera pa paga nan a corto plazo.

Paso 1. Traha un presupuesto (budget) di emergencia

Paso 2 Sigui bo gastonan


Paso 3 Busca manera pa baha gasto

Paso 4 Considera spaar

Paso 5 Papi cu esnan cu bo debe

Aruba Bank ta urgi clientena pa bishita nos pagina y siña mucho mas con pa maneha bo asunto nan bancario na un manera responsabel. Klik riba e siguiente link pa mas informacion: <https://arubabank.com/campaigns/bank-responsibly-pap> y sigui e instruccionnan pa asina download e e buki di presupuesto como tip y guia pa maneha bo presupuesto.

Si bo tin problema pa paga bo hipoteca, credit card o



recibo di utilidad pa motibo di perdida di trabao o entrada, anto comunica cu e companianan pa posible opcion di ayudo o plan di pago.

Yama nos Contact Center na 527-7777 durante ora di trabao, si bo mester discuti bo hipoteca, prestamo o pago di credit card, debi na perdida di trabao o entrada.

Parlamentario Dellanire Maduro

Enseñansa tin di haber cu practicamente tur area y como tal mester logra consensus y union

Lider di Fraccion di POR den Parlamento, Dellanire Maduro, a hiba su disertacion riba e tema di Enseñansa. E ta bisa cu e cartera di enseñansa ta uno cu tin di haber cu practicamente tur otro cartera den un gobernacion.

Educacion ta empodera e ser humano cu conocimiento y habilidadnan pa sobrevivencia. "Awe e topico cu nos ta atende ta regada e situacion actual di enseñansa: Cu esaki nos ta papia, di cambianan den enseñansa y no por laga afo e efecto di e pandemia di COVID-19 riba enseñansa. Banda di tur e negativismo cu tin rond di e topico aki, por saca positivismo tambe", segun Maduro.

E ta indica cu di forma abrupto enseñansa rond di mundo a haya su mes confronta cu cambianan. Por mira cu educacion digital den diferente categoria di enseñansa ta posibel durante e periodo di COVID-19, 49% di nos muchanan a logra haya educacion digital danki na e esfuerso di nos docentenan y mayornan, entre otro. Esaki a haci visibel cu ya caba nos por logra 49%, sin tin tur e preparacion cu lo desea di tin. Banda di esey lider di Fraccion di POR ta indica cu tin den e plan di educacion PEN2030 un plan di 10 aña unda un di metanan ta pa logra adkiri enseñansa atraves di un plataforma digital brindando acceso na un y tur. Esaki sin laga afo cu nos forma di enseñansa mester semper keda adapta na cambianan global cu ta tuma luga pa asina garantisar cu tin inclusion cual ta encera tambe estudiante cu limitacion fisico of emocional y educacion cu ta adapta na e estudiante pa e por desaroya su potencial.

Mirando e situacion den cual enseñansa ta pasando aden, Dellanire Maduro a realisa un serie di pregunta na e mandatario encarga cu

Enseñansa.

1. Con por garantisar cu muchanan semper lo tin acceso na scolnan cu ta bay cay bou di Stichting Protestant Christelijk Onderwijs Aruba (SPCOA) manera ta Pieterboer y Abraham de Veer mirando cu na e momentanan aki pa registra e stichting ta haci peticion di copia di protestants doopbewijs pa bin na remarke pa e selectie procedure. Kico ta minister su opinion di mas bien e scolnan cu ta cay bou di SPCOA bira scol Publico mirando cu na scol publico tin diferente tipo di religion caba?

2. E "Commissie van beroep" ta wordo nombra door di stichting. Con por sigura na e maestronan di scol publico y stichting cu e comision aki ta onpartijdig mirando cu na Hulanda esaki ta un grupo independiente?


3. Kico por compronde bou di e "school model", cuanto mucha cada klas lo tin mirando cu esaki ta diferente entre De Schakel y Colegio San Nicolas? Cua lo ta e toelatingseisen?

4. Con lo percursa pa leerplicht durante e crisis? Cua ta e adaptacion, mirando cu tin mucha cu tin enfermedadnan cu no por atende scol, etc?

5. Tabatin evaluacion previo di e edificionan (Werkplek verzoek), por ehempel si bentana ta habri, sin tin wasbak suficiente, lo adapta esaki? Ken lo cubri e costonan aki?

6. Ken ta controla cu scolnan ta cumpli cu e randvoorwaarden?

7. E concepto di randvoorwaarden di DVG di prevencion pa Covid tabata cla 1 mei y te 14 di mei esaki tabata disponibel riba website di arubacovid-19.org. E concepto y version final ta identico. Comunidad tabata puntra varios dia prome riba e detaynan aki prome cu scol a habri. Lo tabata ideal pa duna un presentacion di e condicionnan (randvoorwaarden) pa scol habri durante conferencia di gobierno pa duna



trankilidad na nos comunidad. Y anuncia durante conferencianan cua ta e scolnan cu ta habri y cua fecha.

8. Momento cu detecta un mucha cu sintoma cu por ta covid-19 lo duna muchanan mondkapje mientras mayornan busca su yiu for di scol?

9. Durante pauze ta bay percursa pa muchanan tin distancia social? Si ta si con lo percursa pa esaki?

10. Con lo percursa pa brinda sosten pa scolnan, maestronan, mayornan y studentenan por continua cu enseñansa den caso di un di dos wave di Covid-19? Kico ta e pasonan tuma y planea pa tuma luga si e reto aki presenta? Con nos ta percursa pa nos ta miho prepara aunke nos no tin tur cos "in place" pa duna 100% educacion digital mirando cu PEN2030 ta un plan di 10 aña?

Na final, parlamentario Dellanire Maduro a presenta un mocion unda ta urgi gobierno pa crea un plataforma nacional di 'Dialogo Social' a traves di cual por logra un consensus y union entre e diferente partnernan riba tereno di enseñansa y esaki a wordo aproba door di parlamentarionan di coalicion.

Asociacion Arubiano di Prensa wardando reunion cu Altocomisario

Acuerdo nobo cu Polis ta esencial pa Prensa por haci su trabao

Ta algun siman caba, desde cu e pandemia a inicia, cu a solicita un reunion urgente cu Mando Policial, pa por determina con e dos entidadnan aki, esta Prensa y Polis, por traha banda di otro riba caya sin cu esun ta stroba e otro y cada un respetando e autoridad y e responsabilidad di e otro. Mescos cu Polis a yega na acuerdo cu companianan priva pa atende accidentenan di auto, asina Polis ainda no tin un acuerdo formal cu prensa riba forma di traha ora di cubri un noticia di suceso. E diferencia ta cu e rol di prensa den comunidad ta anca den nos constitucion, esta libertad di expresion. Tur pais cu ta respeta nan mes, ta promove un estado di derecho cu prensa liber.

A funda Asociacion Arubiano di Prensa

Un grupo di miembran di prensa cu a sinti falta di un asociacion asina durante e pandemia a sirbi como e fundadonan, mientras cu awor tin un comision cu ta reclutando miembran nobo. Na mes momento, ta reglando afiliacion internacional, tanto cu e continente Americano, cu Hulanda y via Hulanda mes cu e organizacion mundial di prensa.

Meta ta pa entre otro yega na e mesun protocol manera tin entre e periodistanan na Hulanda cu e Cuerpo di Polis Hulandes, den cual via un protocol entre e asociacion di prensa di Hulanda y KLPD, ta otorga un carnet di prensa cu ta duna aceso na sitionan di incidente. Den esaki mester pensa riba accidentenan, candela, demostracionnan riba caya y hasta na momento di calamidad. E carhi tin balor na momento cu Polis cera caminda pa publico, cu ta duna e miembro di prensa cierto acceso pa por eherce su trabou di informa comunidad.

Acuerdo existente KPA-Prensa



Den pasado, apenas na inicio di añanan 90, a yega di cera un protocol preliminar cu Altocomisario Alwin Nectar e tempo aya. Por corda cu Comisario Jan van der Straten a hunga un rol esencial den e acuerdo aki y hasta a hiba miembran di prensa local te Hulanda pa mira con Polisnan ta funciona eynan. Pero cu tempo, Polisnan hoben di e generacion nobo no conoce e protocol aki y ta aplica nan mesun "reglanan" durante incidentenan riba caminda publico.

Asina por ehempel Polis a detene un periodista eherciendo su trabou durante pleno Toque de Queda. Ministerio Publico a elimina e multa y a disculpa pa esaki. Ta considera Prensa como un trabou esencial durante un calamidad den henter Reino Hulandes.

Pa evita mas di e tipo di "erornan" asina den cual ta obstaculisa e rol di eherce nos funcion den forma liber, ta bogando

pa reuni cu Altocomisario di Polis pa yega na acuerdonan nobo, moderno y eficiente pa tanto e Cuerpo di Polis y e organizacion di prensa en general. Ta sinti cu awor mas cu nunca un acuerdo asina lo yuda pa promove un comunidad miho informa, specialmente memey di un pandemia y e proceso di recuperacion cu ta sigui su tras. Cu tanto avancenan moderno, sin lubida e rol cu rednan social ta hunga awendia, cu e rol di Prensa ta mas esencial ainda. Publico mester por conta cu un

fuentes di informacion confiabel y serio.

Miembran di Asociacion di Prensa di Aruba ta spera cu pronto e agenda pisa di Altocomisario Vanessa Tjon lo permiti un reunion cu e directiva, pa por habri combersacion riba e topico importante aki. Mescos cu e rol di Polis ta proteha pa ley y ta considera nan e defensoran di ley, asina e rol di Prensa ta forma e pilar di democracia di un pais.



Parlamentario Benny Sevinger

Minister Lampe demostrando poder di un asiento riba gabinete Wever Croes

Un reunion cu fraccion di AVP tin casi un aña ta pidiendo pa trata desaroyonan den enseñansa na Aruba, porfin a tuma luga diamars mainta pero na mes momento e ta confirma e poder cu Minister Lampe ta asina grandi, caminda e por haci y deshaci manera cu e ta haya ta bon.

“Ta mas cu bisto, cu apesar cu Parlamento aña pasa pa medio di un mocion a ordena e Minister aki pa e no introduci cambionan den enseñansa, e ta sigui haci su cosnan, sigui impone su vision y no ta kibra su cabes ni cu parlamento y tampoco cu maestronan preocupa cu tur e desaroyonan cu ta tumando luga.

Ta algo tristo pa mira con maestronan durante di nan demostracion algun siman atras, a pidi Minister Presidente pa interveni den e situacion aki pero tur loke Evelyn

Wever Croes a bisa e maestronan, ta bay sinta papia cu Minister Lampe.

Den pasado e mesun Prome Minister aki a interveni y a draai bek varios di e decisionnan cu Minister Rudy Lampe kier a tuma pero awor simplemente tin cu compronde cu e gobierno di Prome Minister cu su 9 asiantonan den Parlamento, na merced di Minister Lampe kende su partido tin un solo asiento.

Ta manera e ex lider di MEP, Nel Oduber a yega di bisa cu 11 kita uno, ta cero y esey pueblo ta mirando den henter e crisis cu tin den enseñansa na e momentonan aki.

Ta mas cu claro cu gabinete Wever Croes ta colgando na un hilo cu 11 asiento na e momentonan aki di sosten y practicamente Prome Minister no por interveni manera antes

ya cu e asunto di partido RED, partido di Minister Lampe, ta e yabi na e momentonan aki pa nan sigui den gobierno.

Minister Presidente a pidi yudansa di Hulanda pa 1.3 biyon di florin, pa entre otro yuda esunnan cu a perde trabou, yuda negoshinan cu a haya nan mes den problema cu e pandemia di corona virus, ya cu segun e propio vision di gabinete Wever Croes, ta cu e hende mester ta central.

Ya ta conoci pa algun siman caba cu un grupo di 100 werkster na scolnan rond Aruba, 100 mama di famia, lo bay perde nan trabou segun e vision di Minister Rudy Lampe, caminda ta casi sigur cu lo bay duna probablemente un solo compania pa haci e trabou di limpieza aki, ya cu mester haci scolnan limpi.

Minister Presidente no a ni hik riba e situacion



aki, minister di labor tampoco a reacciona mustrand un biaha mas cu poder di Minister Lampe y su partido na e momentonan aki, ya cu si pone e colega di coalicion aki rabia, gobierno por cay.


Nos fraccion di AVP a yega di bisa esaki na varios ocasion, esta cu e hende nunca ta central pa gabinete Wever

Croes, esaki ta bisto den e acuerdonan cu a presenta na Hulanda pa reduci gasto di persona, den e serie di medidanan impone contra pueblo apesar di a sigura cu nan lo goberna sin medida y awor un grupo di 100 hende lo por bay cas den proximo luna,” Parlamentario Benny Sevinger a declara.



Ladron a kibra dreña via bentana di 2 piso den Botica Oduber y a bolter yen cos den e lugar

Dialuna anochi a frenta informe di cu un ladron lo mester a kibra dreña den Botica Oduber na fin di Caya Grandi. Mesora a dirigi patruxa na e sitio pa por a dreña e lugar hunto cu security y donjo.

Na yegada di e patruxa a dreña e lugar unda a confirma cu un ladro enberdad lo mester a kibra bentana na e di 2 piso pa asina dreña e lugar y bolter tur cos den e oficina na di 2 piso. No a logra encontra e ladron den e lugar pero polis tini e caso aki bou investigashon.



MAS DI 500 PERSONA A SIGUI EDICION DIGITAL DI E-SEMINARIO



Recientemente organisadornan di e seminario popular e-Aruba y e-Curacao Business Seminar a organisa un edicion 'Bonus' den formato digital. Organisadornan ta mira atras riba un exito rotundo mirando cu mas di 500 persona a registra y a mira e seminario. E mayoria persona cu a registra tabata for di Aruba y Curacao pero tambe tabata tin registracionan for di Merca, Hulanda, Trinidad & Tobago y Hawaii. E motibo principal cu a organisa e edicion special aki ta cu tanto e evento cu ta tuma lugar na Aruba y Curacao cu salanan yen anualmente por lo tanto no por tuma lugar. Mirando cu desde cu Covid19 a afecta e islanan y mundo ta nota

cu hendenan ta pasando hopi mas tempo online. Tambe hopi compania a haya nan mes ta transforma digitalmente den un forma acelera. A dicidi di aserca diferente orador internacional pa asina comparti nan experiencia y nan consehonan con pa comunica digitalmente durante di covid19.

E comentarionan tabata sumamente satisfecho pa cu e topiconan cu a keda presenta. Tanto Ramon Ray di New York, Miri Rodriguez di Seattle y Diederik Kemmerling a sa di comparti consehonan util cu cada persona por usa den nan organizacion. Por a nota cu e interaccion tabata hopi halto tambe mirando cu tabata tin hopi pregunta cu a keda lansa durante di e

seminario.

For di e encuesta cu a tuma lugar na final di e seminario e personanan cu a registra un satisfaccion grandi. 99% di e respondetenan a contesta cu e seminario tabata educativo. 98% lo conseha un colega y of conocir pa atende e seminario den futuro.

93% di e respondetenan a haya cu e calidad tecnico di e seminario tabata satisfactorio.

Pa esnan cu no a logra mira e edicion special aki, diabierna awor dia 29 di mei 2020 lo comparti e video completo riba e plataformanan digital di e-Curacao, e-Aruba y e-Seminar. Un danki

tambe na tur sponsor cu a hasi esaki posibel.

e-Seminar ta produci pa Infinity Media Aruba, The Lab supported by OnlineSeminar.nl, Elite Productions & Entertainment y Headlines Group.

RADIO
ARUBA
91.5FM
E VOZ DI PUEBLO

Joshua Klabér di Brazil Taekwondo Stichting ta preparando pa Junior Pan American Championship



Dos siman pasa a anuncia cu e Junior Pan American Games ta bay ta na Cali Colombia na 2021. Joshua Klabér a haña su Wild Card pa representa Aruba y a cuminsa pone mas énfasis, mirando cu awo tin un fecha y Pais. Esaki ta haci cu mester cuminsa train cu e piek na fecha di e evento. Pero nos no sa si cos lo

por cambia, mirando e situacion cu mundo ta aden actualmente. Henk Meijer Coach Olimpico Hall of Famer y coach di e rumannan Klabér a manda bisa e rumbo cu nan mester bay caba. Un di e cosnan ta cu Joshua Klaber mester sigui train pa asina keda den su categoria y focus ariba 2021 te ora cu tin un vacuna.



Joshua Klabér di su banda a cuminsa tuma iniciativa di su banda

pa cuminsa train ariba su mes. No por keda cu man crusa sin haci nada y despues core bay train

duro den 3 luna, pasobra e no ta funciona.

Polisnan a bay Kudawecha pa un homber maltratando un muher!



Dialuna mainta a drenta informe di cu lo tin un homber maltratando un muher na un cas na Kudawecha, mesora a dirigi patruyanan na e sitio. Na yegada di e

patruxa a bin encontra un situacion tranquil pero polis pa tur seguridad a intermedia y a papia cu ambos tocante si maltrato sosode y su consecuencianan.



ESTADO ALEMAN A APROBA YUDANSA DI 9.000 MIYON EURO PA LUFTHANSA



FRANKFURT, ALEMANIA, AFP.- E compania aereo Lufthansa y e gobierno aleman a acordá un plan di yudanza di 9.000 miyon euro. Esaki ta comberti e estado den accionista principal di e grupo cu 20% di e capital, segun informacion di funcionarionan.

E gobierno a aproba un plan atraves di e fondo di estabilidad economico di e gobierno federal, crea pa minimaliza e repercu-

cionnan di e pandemia di Coronavirus.

E acuerdo a wordo aproba despues di varios negosacionnan mientras e compania, y e sector di transporte aereo completo, ta pasando dor di un crisis sin presedente.

Segun e akuerdo, e Estado lo atkerí 20% di e grupo pa 300 mion euro. Esaki ta garantisá gobièrnu su presencia komo akshonista prinsipal den e kompania.

HOMBER A MALTRATA SU MESUN MIEMBRO DI FAMILIA NA CAYA FRERE ARNOLD



Diamars mainta a drenta informe di un caso di maltrato na un cas na Caya Frere Arnold, mesora a dirigi un patruya na e sitio. Na yegada di e patruya a bin compronde cu un

miembro di familia mes a maltrata un familiar pero na yegada di e patruya a bin compronde cu e agresor a bandona e sitio. Ambulans a presenta y a atende e victima.

Sindicationan..... TA MANERA CU TIN MIEDO DI UN FENETA DI CADUSHI PERO UN KLABO DI DOS DUIM SI TA OK PA TUMA DEN BO BODY



Ehempel cu ta muestra cu e gritonan di sindicationan ta saca for di contexto:

Un ambtenaar cu salario di fl 4000,00 pa luna of 48000 pa aña cu 30 aña di servicio den vpgd por a hanja antes 70% di su salario como pensioen.

Algun aña pasa gobier-

no a trece cambio den esaki y a introduci e.o. franchise i middelloon y a hisa e pensioen leeftijd di 60 pa 65 aña. Dus resultado ta cu ta kita fl 17616,= for di bo basis jaar salaris. Y bo mester tin 40 aña den vpgd y 65 aña di edad pa haye completo. (vol pensioen)

A kita fl 17616,= for di bo basis jaar salaris y e tempo ey niun musca a bula.

Awo den e situacion di crisis cu tur hende tin cu entrega y tin ambtenaar cu p.e. un basis salaris di 48000,= /año lo bai entrega 2400 pa aña y un cu 72000,=/año lo entrega 3600,=/ aña y

nan ta yora grita y sapatia y protesta. Berdad cu e 5% (2400) of (3600) ta poco incomodo pero e 17616 si no a haci dolor? Ta manera cu tin miedo di un feneta di cadushi pero un klabo di dos duim si ta ok pa tuma den bo body. Ariba dje a perde 5x fl 13000,= di pensioen di vejes pa persona. Door di a hisa e edad di pensioen y nos pensionadonan cu nunca ta hanya aumento ta perde 50% di nos gelijkbedrag fin di aña.





WARAPA
FOOD • DRINKS • CROPS

WARAPA GARDEN SERVICE

Special

NOS TA TIRA SUSHI DI CURA AFO

awg 40,-

YAMA PA UN OFERTA GRATIS
7460815

"FRET" NAN INFECTA A INFECTA DOS HENDE CU CORONAVIRUS NA HULANDA

Autoridadnan di salud publico di Hulanda a confirma cu dos persona a resulta infecta cu coronavirus door di un "fret" of vison, Reuters ta informa.

E prome caso di transmision di SARS-CoV-2 door di e via aki a wordo reporta siman pasa.

Fretnan portador di e virus a wordo haya den cuadro di 155 granha unda nan a wordo cria den e pais pa su cuero, e minister Hulandes di Agricultura, Carola Schouten a splica den un carta na Parlamento cu ta detaya e dos casonan.

Di acuerdo cu e funcionario halto, e riesgo di

transmision di e virus di di animal na humano ta "insignificante."

Den tres di e cuater granhanan infecta, a keda demostra cu e fuente di infeccion tabata un hende malo, mientrase u e di cuater ainda ta bao di investigacion, e minister a agrega.

Di su parti, e director di e Instituto di Salud di Hulanda (RIVM), Jaap van Dissel, a afirma cu si ta bon, pushi y otro animalnan a wordo infecta cu covid-19 pa humano, e transmisionnan d e fretnan na humano registra den e pais ta practicamente unico.



"Esaki ta e prome biaha cu nos ta haya, of por lo menos cu nos a demostra cu e ta probably, cu den dos

caso e infeccion a pasa di un animal pa un ser humano," e experto a señala den Parlamento, den re-

corda cu "e fuente original di infeccion na China muy probablemente tambe tabata animal."

Pompeo na Congreso di Merca:

HONG KONG "YA NO TA AUTONOMO DI CHINA"



E secretario di Estado di Merca, Mike Pompeo, a notifica diaranson na e Congreso cu e Administracion Trump ya no ta considera Hong Kong como autonomo di China continental, un paso cu por tin consecuenan di largo alcance pa e status comercial special cu e colonia antiguo Britanico tin den relacion cu Washington.

Den un comunicado, Pompeo ta cualifica di "desastroso" e desicion di maximo organo legislativo di China, e Asamblea Popular Nacional, di "impone di forma unilateral y arbitrario" e legislacion di seguridad nacional na Hong Kong.

Segun e secretario di Estado, ta "solamente e ultimo di un serie di accion cu ta socava fun-

damentalmente e autonomia y libertadnan di Hong Kong," como tambe "e propio promesanan di China na e pueblo di Hong Kong" den e virtud di e Declaracion Conhunto sino-Britanico.

Denn e sentido aki, Pompeo ta segura cu "ningun persona rasonabel por afirma cu awendia Hong Kong ta mantene un grado halto di autonomia

respecto di China, na e tenor di e hechonan riba e tereno."

E diplomatico ta señala cu e decision no ta "satisfac'e", ya cu Hong Kong y "su hende dinamico, emprendedor y liber" a destaca pa "florece durante decadanan como un bastion di libertad."

Sin embargo, Pompeo ta enfatisa cu "un bon formulacion di politicanan ta rekeri un reconocimiento di e realidad."

"Si ta bon, Merca algun biaha a spera cu Hong Kong, liber y prospero, lo proporciona un modelo pa e China autoritario, awo ta cla cu China ta modelando Hong Kong," Pompeo a apunta, pa conclui cu Washington "apoya e pueblo" ddi e region aki den su lucha contra "e creciente negacion" di parti di Peking "di e autonomia cu a wordo priminti."

E notificacion na Con-

greso di Pompeo ta prepara e tereno pa Merca retira e status comercial y financiero preferencial cu e antiguo colonia Britanico a disfruta desde cu na 1997 nan a bolbe ta bao di dominio Chines.

"Hong Kong no ta sigui garantiza e tratamento bao di e leynan di Merca di e mesun manera cu e leynan Mericano a aplica na Hong Kong prome cu juli di 1997," Pompeo ta puntualisa den su comunicado.



Noticia di Curacao:

CFT KIER CLARIDAD RIBA BENTA DI UTS PROME CU 3 DI JUNI

Recientemente e colegio pa supervishon finansiero (CFT) a dirigi un carta na Minister di Finansa sr. Kenneth Gijsbertha komo reaccion di e colegio aki riba e prome reportahe di ehecucion di gobièrno di Corsou. Den esaki CFT ta bisa entre otro ku for di e reportahe aki ta sali un défisit esperá riba servisho ordinario den aña 2019 di kasi 30 mion florin. Por sierto, e kuenta anual di 2019 lo indiká e défisit definitivo. I ku e défisit aki lo no kumpli ku e instrukshon.

Mas aleu e ta bisa ku e tin di konstatá ku e loke a realisá den e promé kuartal di 2020 pa loke ta e servishon ordinario i di kapital ta di akuerdo ku e mesun patronchi di añan anterior. CFT tin di enfatisá ku ya kaba na prinsipio di mart el a muestra riba e situashon finansiero di Kòrsou ku ta preoku-

pante i ku Kòrsou lo tin di tuma medidanan pa baha su gastunan. I ta un lástima ku den e periodo di ehekushon aki no a duna kumplimentu na esei.

Na opinion di CFT den e promé kuartal di 2020 no tabatin masha adelanto riba un kantidat di punto i riba kual a pidi atenshon na diferente okashon. Entre otro e kuentanan anual di 2016-2018 no ta akordá, e 'second opinion' riba e 'businesscase' di CMC no ta kla, no tin klaridat riba medidanan adishonal den kuido i fondonan sosial i e sifranan di eksplotashon di e hospital, miéntras ku ehekushon di e Akuerdo di Kresementu (Groeiaakkoord) ta kedando atras riba partinan importante. No opstante e situashon difísil ku pais por ta pasando aden, CFT ta pidi gobièrnu pa no posponé e temanan aki mas tantu pa por mira adelanto.

Pero CFT ta bisa den e mesun rosea ku, pa motibu di e krisis di COVID-19 i e inkklaridat riba e perspektiva pa futuro ku ta bini huntu ku esaki, CFT ta kere ku e lo no por husga ni duna un opinion riba e realidat dje pronóstiko manera e ta den e promé reportahe di adelanto pa aña 2020 i den konkordansia ku e presupuesto.

Servisho di Kapital i benta di UTS:

Pa loke ta e servisho di kapital den su análisis CFT ta bisa den su karta ku e servisho aki ta terminá 2019 ofisialmente ku un saldo positivo di fl. 198 mion. E kompania UTS a ser bendé na mart 2019 (fl. 157 mion). Banda di esei tabatin mas entrada dor di pago riba fiansanen (fl. 23 mion).

Segun e colegio, pa loke a benta di UTS ainda no tin klaridat kiko e lo nifiká pa presupuesto di pais. Tin inkklaridat riba tran-

sakshonnan di UTS. Por ehèmpel, no tin klaridat riba e dividendo di 2016 ku a resultá den un pago bèk, no tin klaridat riba e relashon finansiero entre UTS, BTP i pais Kòrsou, i falta di klaridat riba parti di e plaka di benta ku no a ser pagá i e entidatnan ku no a ser bendé.

Segun CFT, e ta pidi e minister pa duna informashon riba un ke otro promé ku dia 3 di yuni benidero.

SOLO Di Pueblo

A BO NO MESTER SALI DI CAS YAMA 585-9500
TUR MARDUGA NOS TA ENTREGA DEN BO PORTA DI CAS!

HOTLINE

SOLO Di Pueblo

744-0444

CAPT'E Y MAND'E

HORARIO

SKINA CRIYOY SNACK TRUCK NA PONTON 119-E
HACI BO PEDIDO PROMER CU 9:00 am.
NOS TA ENTREGA ENTRE
11:00 am - 1:00 pm.
(HAZ TU PEDIDO HASTA LAS 9:00 am.
SE ENTREGA PEDIDOS A DOMICILIO
ENTRE LAS 11:00 am. - 1:00 pm)
I HACI BO PEDIDO NA TEMPO !

MENU DIALUNA MEI 25
ALMUERZO COMPLETO. Afl. 13.50
- ROAST PORK
(CERDO HORNEADO)
- SWEET AND SOUR CHICKEN
(POLLO EN SALSA AGRIDULCE)
CUMINDA TA WORDO COMPANJA CU AROZ BLANCO OF AROZ MORO, BATATA HASA, SALADA, CONSOME DI GALIÑA Y AGUAPANELA.

MENU DIAMARS MEI 26
ALMUERZO COMPLETO. Afl. 13.50
- FILET DI PISCA
(CHULETA DE PESCADO)
- RABO DI BACA STOKA
(RABO DE VACA GUISADO)
CUMINDA TA WORDO COMPANJA CU AROZ BLANCO OF AROZ MORO, SOPI DI MARISCOS, BATATA HASA, SALADA Y AGUAPANELA.

MENU DIARANZON MEI 27
ALMUERZO COMPLETO. Afl. 13.50
- BACALAO
- MONDONGO STOKA
(MONDONGO GUISADO)
CUMINDA TA WORDO COMPANJA CU AROZ BLANCO, AREPA, BANANA HASA, SALADA, SOPI DI BERDURA Y AGUAPANELA.

MENU DIAHUEBS MEI 28
ALMUERZO COMPLETO. Afl. 13.50
- CARNI STOKA CU PAPAYA
(CARNE GUISADA CON PAPAYA)
- FRIED CHICKEN
(POLLO A LA BROSTERI)
CUMINDA TA WORDO COMPANJA CU AROZ BLANCO OF AROZ MORO, SOPI DI LENTEJAS, SALADA Y AGUAPANELA.

MENU DIABIERNE MEI 29
ALMUERZO COMPLETO. Afl. 13.50
- PORK CULET
(CHULETA DE CERDO)
ARROZ BLANCO OF MORO, SALADA Y CONSOME DI GALIÑA.
- PASTA ALFREDO
GARLIC BREAD, BANA HASA, BATATA HASA, CONSOME DI GALIÑA, SALADA Y AGUAPANELA.

MENU ESPECIAL DIASABRA MEI 30
Afl. 15.00
- BBQ DI SPARE RIBS Y GALIÑA
(BBQ DE COSTILLA Y POLLO, AROZ BLANCO OF AROZ MORO, MAISHI, BANANA HASA Y SALADA)
- CABRITO STOKA
(CABRITO GUISADO, AROZ BLANCO OF AROZ MORO OF FUNCHI, BANANA, AREPA Y SALADA)
- SOPI DI MONDONGO DI BACA
(SOPA DE MONDONGO DE VACA 32oz, AROZ OF FUNCHI, AREPA, BANANA HASA)
REFresco: Afl. 2.00. COCA COLA, SPRITE OF ICE THEE

#QuédateEnCasa

PETROLERO DI MERCA TA DECLARA SU MES DEN KIEBRO

E compania Mericano Unit Corporation, productor di petroleo di eskisito y basa na Oklahoma, a anuncia dia 22 di mei cu nan a solicita e reorganizacion y restructuracion di su debe bao di e Capitulo 11 di e ley di Kiebro di Merca, den un intento di reestablece e retabilidad. E debe acumula di e petrolero ta supera 650 miyon di dollar y e empresa a acorda canhi'e pa participacionnan di capital den e negoshi reorganisa. Tambe el a logra un facilidad di salida di 180 miyon di dollar bao di un estructura di deudor den posesion (DIP, debtor in possession) pa saca e negoshi for di bancarota pa fin di e aña aki.

"Mescos cu hopi empresa

di e industria di petroleo y gas, nos a sinti e impacto di e caida grave di e prijsnan di materia prima, cu solamente a empeora cu e pandemia di covid-19", e presidente y director general di Unit Corporation, David T. Merrill a declara den un comunicado, kende a expresa e certesa cu despues di e proceso bao di e Capitulo 11 su compania lo ta "miho posiciona" pa enfrenta e desafionan y realisa tur su potencial. E solicitud di reorganizacion pa kiebro bao di capitulo 11 a wordo acorda cu un 70% di e prestamista y accionistanan di e petroleo.

Durante henter e proceso, Unit Corporation tin pensa di sigui cu su operacionnan y tin suficiente



likides, apoyando riba e financiamiento adicional di deudor den posesion di su prestamistanan cu ta constitui na 36 miyon di dollar y tambe te cu 18 miyon di dollar cu ta spera di tin

disponibel di forma provisional. Sin embargo, pa sigui cu su operacionnan y sigui paga e empleado y provedornan di manera ininterumpi, e compania ainda tin mes-

ter di e autorisacion di autoridadnan. Pa esey ya el a presenta varios mocion ante un tribunal.

CORONAVIRUS YA A CAUSA MAS DI 350 MIL MORTO ROND MUNDO



E pandemia di covid-19 a causa te cu e fecha 350.547 morto rond mundo, segun e datonan registra pa e Universidad Johns Hopkins (Merca). Di un otro banda, e cantidad di caso confirma riba escala global ta subi na 5.595.091. Cu mas di 1.6 miyon di contagio y casi 100 mil fayecido, Merca ta lidera e lista di e paisnan mas afecta pa e pandemia, tanto den casonan di infeccion como den fayecimento. Reino Uni, Italia, Francia y Spaña ta sigui cu 37.130, 32.955, 28.533 y 27.117 morto, respectivamente.

Organisacion Mundial di Salud (WHO), Michael Ryan a declara dialuna, ta existi riesgo di un di dos piek den e ola aki. E funcionario a apunta cu mientras cu e casonan di covid-19 ta disminuyendo den hopi pais, e infeccionnan ainda ta den ascenso na America Centrao, Suramerica, zuid di Asia y Africa. Tambe, el a señala cu aunke e tasa di morbilidad ta descendiendo, "por repunta den cualquier momento" y cu e prome ola di e pandemia no a caba.

Mientras tanto, e cantidad di persona recupera ta sigui aumenta. Segun e estadisticanan di e universidad, 2.288.965 persona a recupera di e enfermedad rond mundo.

Advertencia di WHO

Mundo ta haya su mes den e prome ola di e pandemia y segun e director ehecutivo pa Emergencianan Sanitario di e

PROBLEMA NA UN ADRES NA SCHOTLANDSTRAAT TA SIGUI AWE UN HENDE A BAY CU PIA KIBRA CU AMBULANS PA HOSPITAL!



Algun tempo atras a bin ta sosodiendo un caso di maltrato destruccion y menasa na un compleho na Schotlandstraat, den temporada di carnaval ya polisnan a bay na e adres pa atende e asunto ey. Pero parce cu e asunto aki no tin fin ayera nochí a bolbe drenta informe di destruccion y menasa. Na yegada di e patruya no a haya e agresor mas na

e sitio. Como cu e agresor ta conosi a recomenda e victima pa bay entrega keho na recherche. Awe mainta a drenta atrobe otro informe di hende burachi haciendo fastioso na e adres. Na yegada di e patruya a bin topa cu un homber cu su pia kibra y a pidi un ambulans p'e. Na yegada di e ambulans nan a atende y transporte pa hospital.

LOTTO TA EXTENDE FECHA PA COBRA PREMIONAN

ORANJESTAD, Aruba – 27 di mei, 2020:

Pa motibo di e medidanan cu a wordo introduci pa combati COVID-19 na Aruba, Lotto, E Loteria di Aruba, mester a sera e oficinanan principal na Oranjestad y San Nicolas desde 26 di maart. Lotto kier informa tur su hungadonan cu ta extende e dianan pa cobra e premionan aki.

E cantidad di dia lo wordo extende cu e cantidad di dianan cu e oficinanan di Lotto tabata y ta bay ta sera. Ta pidi tur hungadonan pa warda cada

ticket bon, kiermen no lag'e den temperatura cayente, no lag'e muha y tampoco no strika e ticket. Asina cu oficina di Lotto ta haya permiso pa habri bek, hungadonan por bay cobra nan premionan.

Lotto, E Loteria di Aruba tin diferente wega; Catochi, Big 4, 1-OFF, Zodiac, Wega di Number Korsou di Lotto, Lotto di Dia, Lotto 5, Mini Mega cu su Mega Plus y e weganen Raspa y Gana. Lotto, E Loteria di Aruba ta organisa loteria, cambia bida di su hungadonan y na mes momento inverti



den deporte local pa medio di donacionnan na e comision di subsidio.

VENEZUELA TA REPORTA 34 CASO NOBO DI CORONAVIRUS Y E CONTAGIADONAN TA SUBI NA 1245

E vicepresidente sectorial di Comunicacion, Cultura y Turismo di Venezuela, Jorge Rodriguez, a informa diaranson ultimo cu durante e ultimo 24 oranan a keda registra 34 caso di coronavirus, loke ta aumenta na 1245 e total di contagionan.

E cifra di fayecidonan ta keda na 11. riba e casonan nobo, ta trata di 30 Venezolano cu a bin for di Colombia, dos persona cu tabata tin contacto cu e migrantenan aki y otro dos caso comunitario.

Di e total di contagionan 817 ta permanece asintomatico, 108 ta registra insuficiencia respiratorio leve, 3 tin insuficiencia modera y 4 ta den cuido intensivo.

Te asina leu, 50.686 Venezolano a bin bei di Colombia, Brasil, Ecuador y Peru di cual 778 a sali positivo den e prueba di coronavirus.

"Di e total di casonan cu Venezue-



la tabata tin den e ultimo 19 dianan, 77.8% ta casonan importa di e paisnan aki," Rodriguez a detaya al respecto.

Pa awo, Venezuela a realiza 897.695 pruebanan diagnostico, loke ta traduci den 29.923 pa cada miyon di habitante.

"Nos ta e pais di America Latina y di Caribe cu ta realiza mas prueba," e minister a indica. E hon-

rada anterior di e pais a registra 1.211 caso.



PUEBLO A HAÑA SU PEN BEK

Pa kualkier informacion
solodipueblo@gmail.com
of
☎ 585-9500



Dicon no ta bon pa mescla antibiotico cu alcohol?

Mescla antibiotico y alcohol ta un acto cu no ta wordo recomenda nunca debi na e efectonan cu e por genera den e organismo. E motibo principal ta e efecto adverso of disminucion di e eficacia di e antibiotico cu alcohol por provoca. Of, lo contrario, e hecho cu e efecto di antibiotico ta potencia debi na e mesun motibo. Sin embargo, ta importante tene na cuenta cu no ta tur antibiotico ta actua mesun cos, pa cual no tur hende tin e mesun efecto den e organismo ora di mescla nan cu alcohol.

Es mas, cantidadnan modera y casual di alcohol, generalmente no ta provoca interferencia den e efecto di mayoria di e antibioticonan. E problema, den e tipo di casonan asina, ta e efectonan secundario y e accion di alcohol den e sistema inmune.

A continuacion, nos ta splicabo cu e efectonan cu e ta produci den e curpa humano den mescla antibioticonan y alcohol. Mescos cu distinto tipo di antibiotico den loke alcohol por resulta, specialmente dañino.

Efectonan cu ta produci door di mescla antibiotico y alcohol

Manera nos a menciona anteriormente, un di e resultadonan negativo cu ta produci ora di mescla alcohol cu antibioticonan ta potencia e propio efectonan adverso di e remedinan. Esaki ta pasobra algun antibiotico, manera amoxiciline, sa presenta efectonan secundario manera nausea, sacamento y diarea. Alcohol ta un substancia hopi irritante pa e mucosa gastrointestinal y ta hopi probabel cu e ta potencia e efectonan adverso aki. Tambe, otro problema ta e hecho cu e personanan cu ta den tratamento cu antibiotico, ta esnan cu ta padece di un infeccion. Esaki ta hiba cu nan tin mester di un sistema inmune competente pa combati nan. Alcohol por perhudica e accion di e sistema inmu-



nologico, dificultando cura.

Ademas, alcohol ta metabolisa den e higra pa e mesun vianan enzimatico cu ta metabolisa algun di e antibioticonan. Esaki ta provoca cu e higra ta traha procesando e alcohol, di manera cu e antibiotico no ta wordo corectamente metabolisa. E efectonan final no solamente ta di e reduccion di accion di e antibiotico. Tambe e acumulacion di metabolitonan toxico di e mesunnan aki, incrementando e incidencia di efectonan secundario.

Antibioticonan cual nunca mester mescla cu alcohol

Ta existi ademas antibioticonan determina cu, mesclando cu alcohol, por causa efectonan realmente dañino. Den e casonan mas grave, e mescla di antibiotico y alcohol por duna luga na e efecto disulfiram, den cual nos lo splica mas de pues. Antibioticonan cu ta causa e efecto disulfiram:

- Metronidazol. E antibiotico y antiparasitario aki ta wordo usa pa trata infeccion y algun gastroenteritis entre otro enfermedadnan.
- Tinidazol. Ta un antibiotico y antiparasitario, mescos cu Metronidazol, cu no mester mescla cu alcohol. Door di mescla alcohol cu e anti-

resulta di ta hasta 10 biaha mas toxico pa e curpa.

Asina eynan, e pashent ta intoxicado rapidamente cu e dosis minimo di alcohol ingeri, siendo di biaha e efectonan secundario. Esakinan ta, sacamento, caida den presion arterial of palpita-cion entre otro. Ta e mesun efectonan aki ta loke e pashent lo bay sinti cu door di bebe alcohol mescla cu antibioticonan menciona anteriormente. En concreto, e resultadonan ta como lo siguiente:

- Cuero ta bira cora
- Sodamento profundo
- Nausea y sacamento
- Steipi y mareo



bioticonan aki e pashent lo sufri algun of varios di e sintomanan di e efecto disulfiram. Ademas, ta importante pa tene na cuenta cu no solamente tin cu evita bebe alcohol mientras a den tratamiento cu e antibioticonan aki sino tambe ora di caba cun'e.

No mester consumi alcohol te cu 48 ora despues di a stop di tuma Metronidazol. Igualmente, tin cu warda 72 ora despues di a stop cu Tinidazol.

Kico ta e efecto disulfiram

Formalmente conoci como Antabuse, disulfiram ta un producto cu ta wordo usa den e tratamento di alcoholismo. Cu disulfiram, ta evita pa e higra metabolisa e metabolitonan mas toxico di alcohol. Di e manera aki, alcohol ta

- Dolor di cabes
- Dificultad pa hala rosea.
- Dolor den pecho

Ademas, den ocasionnan determina, e pashent tambe lo a experimenta vertigo, hipertension arterial y sincope. E poblacion di mayor riesgo ta personanan mayor di 65 aña, pa e hecho cu nan ta mas sensibil na e efectonan di alcohol. Igualmente tambe e pashentnan cu ta tuma un remedi cronico.

Den conclusion, nunca ta recomendabel mescla alcohol y antibiotico. Aunke e efectonan no bay resulta semper asina negativo, e mescla nunca lo bay ta bon pa esun cu consumi'e.



3 alimento saludabel cu bo por come prome cu train

Mayoria di hende ta prefera di no come nada prome cu nan bay train, pasobra, al fin y al cabo, e idea ta pa kima e caloriaran cu ta bay acumulando pa e consumo di alimentonan determina. Sin embargo, contrario na esnan cu ta pensa, ingeri cierto alimentonan prome cu haci ehercicio por ta hopi positivo pa mehora e rendimiento y obtene mas beneficio durante su practica. Ora cu ta bezig cu actividad cu ta bay mas leu cu cardio y cu tin meter di mayor resistencia, ta esencial inclui den e dieet mas proteina, un poco mas di vet y algun carbohidrato.

Esey si, no mester tuma momentonan prome cu cuminsa of na caminda pa gym. Lo ideal ta pa consumi nan entre mey y un ora previo pa e curpa tin tempo di probecha nan como fuente di energia.

Si ya bo tin defini bo plan deportivo y bo ta desea di sa kico bo por ocme prome cu cuminsa, sigui lesa e nota aki.

Juice di fruta y berdura
Juice di fruta y berdura berde ta un di e mayor fuentenan di energia natural cu bo por prepara pa aumenta e rendimiento durante ehercicio.

E bebidanan aki ta refrescante y ta digeri cu hopi facilidad, apoyando e metabolismo pa kima vet cu mas facilidad.

Bo por prepara mesclando berdura manera spinazie, brocoli y selder. Tambe ta cumbinibo agrega fruta manera ba-

nana, appel y anasa.

Awacati

E ta dushi y e ta conta cu un dozijn di beneficio pa e salud generla di curpa. E ta contene acidonan graso esencial, vitamina, antioxidante y otro nutriendenan cu ta apoya tur tipo di dieet.

Pa su aporte calorico ta un complemento perfecto pa energisa e curpa di forma natural y mehora su funcion fiscal y mental.

E consumo diario di un piesa di fruto ta contribui den regula e nivel di colesterol y ta yuda adelgasa pasobra tambe e ta un alimento saciante.

Webo

E bonnan a laga di ta e antagonista di dieet y ya a demostra cu comiendo nan cu regularidad ta contribui na mehora e salud.

Esakinan ta un fuente natural di proteina cu ta stimula e perdida di peso mientras cu e ta construi masa muscular. E ta perfecto pa come den desayuno, en especial si e entrenamiento ta wordo realisa den oranan di mainta.





8				9	2	3	6	
		4						5
		3		7	5		4	
	8	9	6	4				
				2				
				3	8	4	2	
	4		7	5		9		
9						7		
	6	2	3	1				4

		4	2		8	9	7	
8				9		1		
6	9							2
2			9		4			6
	5			3			4	
3			5		6			8
4							1	7
		9		4				3
	1	3	6		7	4		

	4						5	
3	6	5				7	8	2
		1				6		
		8	7		5	4		
		3	8	6	1	9		
		9	2		4	5		
		6				2		
5	9	2				8	3	4
	7						9	



Tip Line 585 9500
solodipueblo@gmail.com

PRONOSTICO DI TEMPO VALIDO TE DIARAN- SON 27 DI MEI 2020, 18:00 ORA.

ELABORA DIAMARS 26 DI MEI 2020 17:00 (21:00 UTC)

- UN ALERTA PA BIENTO FUERTE TA NA VIGOR PERO LO WORDU CANCELA MAYAN MAINTA 6' OR...
- UN AVISO PA BOTO CHIKITO PA COSTA PARTI OOST TE NOORDWEST I GENERALMENTE LAMA HABRI TA SIGUI NA VIGOR...

TEMPO:
AWE ANOCHI: LEVEMENTE TE PARCIALMENTE NUBLA I GENERALMENTE SECO
DEN MARDUGA I MAYAN: PARSIALMENTE NUBLA SIN AWACERO DI IMPORTANCIA.

TEMPERATURA MAXIMO 33 GRADO CELSIUS
TEMPERATURA MINIMO 27 GRADO CELSIUS

BAHADA DI SOLO : 7:00 PM
SUBIDA DI SOLO : 6:13 AM.

BIENTO:
FOR DI DIRECCIONAN ENTRE OOST I OOST- ZUIDOOST I MODERA
TE BASTA FUERTE; FORSA 4 TE 5 (20 TE 39 KM/ORA, 11 TE 21 NUDO).
DEN DIA FUERTE TE DURO DEN RAFAGA;
FORSA 6 TE 7 (40 TE 61 KM/OR, 22 TE 33 NUDO)

SITUACION GENERAL DI TEMPO PA PROXIMO 24 ORA:
AIRE STABIEL I RELATIVAMENTE SECO LO STROBA FORMACION DI NUBIANAN
CU POR PRODUCI AWACERO. UN OLA TROPICAL ZWAK, SITUA DEN OOST DI AREA DI CARIBE, LO PASA DEN REGION LOCAL BAYENDO WEST DEN CURSO
DI MAYAN DIARANSON PA DIAHUEBS. ESAKI LO TRESE ALGO DI HUMEDAD
Y POSIBLEMENTE UN AWACERO PASAJERO E ORA EI.
DI OTRO UN BANDA POR BISA CU E DIFERENCIANAN DI PRECION DI AIRE
DEN CENTRAL- SUR DI CARIBE TA BIRANDO MENOS I E ALERTA PA BIENTO
FUERTE LO WORDU CANCELA DIARANSON MAINTA 6'OR.

CONDICIONAN MARITIMO/ ESTADO DI LAMA:
UN ESTADO DI LAMA MODERA TE POCO BRUTO NA E REGION OOST
TE NOORDWEST TA WORDU SPERA PA PROXIMO 24 ORA. OLANAN
LO TA FOR DI OOST ENTRE 4 TE 7 PLA. E OLANAN DI MAS HALTO TA NA E PARTINAN OOST TE NOORDWEST. LAMA LO
BAHA GRADUALMENTE DURANTE PROXIMO DIANAN DI SIMAN.

AVISO/ ALERTA:
UN AVISO PA BOTO CHIKITO TA NA VIGOR PA E PARTINAN OOST TE
NOORDWEST DI COSTA I LAMA HABRI GENERALMENTE. TA SUPLICA
OCUPANTENEN DI BOTO CHIKITO PA TENE CUENTA CU ESAKI I BAI
CU CAUTELA RIBA LAMA HABRI, ESPECIALMENTE RIBA PARTINAN
OOST TE NOORDWEST.

FENOMENONAN SPECIAL: NINGUN
POTENCIAL DI AWACERO PA PROXIMO 24 ORA: MENOS DI 1 MM;
LOCALMENTE ESAKI POR VARIA.

REGISTRACION DI TEMPERATURA (GRADO CELSIUS) Y AWACERO (MM)
DEN ULTIMO 24 ORA:

AIRPORT : MAX 33 / MIN 27 / 0.0 MM
WESTPUNT: MAX 32 / MIN 28 / 0.0 MM
STA ROSA: MAX 32 / MIN 28 / 0.0 MM

PRONOSTICO DI TEMPO PA PROXIMO 3 DIANAN:
PARCIALMENTE NUBLA CU UN POSIBLE AWACERO PASAJERO.
BIENTO LO TA FOR DI DIRECCION OOST;
MODERA TE BASTA FUERTE, FUERTE TE DURO DEN RAFAGA;
TEMPERATURA (GRADO CELSIUS) MAX / MIN LO TA: 33 / 27

Parlamentario Richard Arends

NO A INFORMA PARLAMENTO RIBA CONDICION Y PALABRACIONNAN PA SOSTEN FINANCIERO



E siman aki lo tuma luga un reunion cu Minister President y Minister di Finansa riba e sosten di likidez cu Aruba ta ricibiendo for di Hulanda. Ta resalta e hecho cu Gobiernonan di Corsou y Sint Maarten a hiba consulta cu nan respectivo Parlamentonan prome di a firma cualequier acuerdo cu Hulanda pa loke ta e sosten financiero. Den e caso di Aruba, Parlamento di Aruba lo wordo scucha y informa despues cu ya caba Gobierno di Aruba a firma e acuerdo y a compromete Aruba cun'e.

Parlamento di Aruba tin e preocupacion di e detayenan du loke wordo firma: tin dos documento cu fraccion di AVP a manda pidi y nos no a ricibi esaki ainda. "Fraccion di AVP a manda pidi e acuerdo di fianza firma cu Hulanda, como e carta fecha dia 30 di april ultimo pa CAFT y Consejo di Minister di Reino, den cual gobierno di Aruba ta trece e condicionnan cual e ta bay di acuerdo pa por haya fianza", asina Parlamentario Richard Arends a declara.

Den un declaracion di Minister Presidente a indica e reduccion di salario cu mester yega na 90 miyon florin mientras cu e gastonan total di personal ta rond di 480 miyon florin. "E reduccion di salario di empleadonan publico cu 12.5% y tambe di mandatarionan cu 25% ta duna un resultado di 60 miyon florin. Ta keda e ora e pregunta grandi con gobierno lo cubri e suma di 30 miyon."

Den e carta di Secretario

di Estado Knops na Parlamento Hulandes indica cu Gobierno a compromete su mes un un reduccion di gastonan di AZV cu 5 miyon mensualmente. Gastonan di cuida medico ta totalisa 450 miyon florin. Un suma di 60 miyon florin pa aña ta un suma cuantioso pues nos kier sa na unda mas ta bay wordo corta y con esaki lo afecta salubridad publico y cuida medico," sr Arends a sigui muestra.

Gobierno a presenta un presupuesto pa aña 2020

cu un deficit di 1.3 biyon florin y te awor a haya financieramente pa solamente 100 miyon florin. A manda pidi Gobierno pa splica su pronostico di likides y con lo logra sera 1.2 biyon florin pa cual ainda mester haya financiamento. Parlamentario Arends ta ilustra cu den pronosticonan di Gobierno ta tene cuenta cu actividadnan economico lo ta paralisa te fin di aña. Sinembargo Gobierno mes – como participante den nos economia – ta presenta un escenario 'business as usual' pa su

mes. Recientemente tambe a aproba presupuesto di DOW caminda cu e gastonan a keda mescos cu e situacion prome cu Covid-19.

Nos ta spera tambe di pronto ricibi mas detaye riba loke a wordo acorda y tambe kico ta e condicionnan cu ta spera pais Aruba pa loke ta trata e di tres trayect pa loke ta 'loonsubsidie' y tambe pa loke ta e sosten di likides pa pais Aruba," Parlamentario Richard Arends a declara.

KICO TA DEPRESION Y CON PA RECONOCE ESAKI?



por pega soño of ta drumi interumpi y ta lanta mucho tempran;

- Bo ta drumi hopi mas cu normal;
- Bo ta perde placer den tur cos;
- Bo por tin pensamiento ariba morto of pa haci un acto di morto;

Pero depresion ta existi den diferente grado. Ora cu un persona haya e diagnostico cu e ta depresivo, ta haci e anotacion tambe di e gravedad di su sintomanan sea nan ta; leve, modera of grave, di cual e lo sigui haya e ayudo cu e tin mester.

Den e temporada di crisis aki nos t'ey pa yuda esnan cu tin'e duro y cu ta sinti cu nan ta of ta bay cay den depresion. Den un forma anonimo y GRATIS por tuma contacto cu nos na 2810909 pa combensa un poco di bo situacion y e salud mental. Nos tey tur dia di 2pm te cu 10pm.

Oranjestad, Aruba - Depresion ta un enfermedad mental cu ta bay hopi mas leu cu nos sentimentonan. Por ehempel, ora di ta sinti sin animo y ora bo ta sinti tristesa. E sentimentonan aki, sin animo y tristo, ta algo cu ta wordo splica como sentimentonan pasahero. Esaki ta nifica cu e sentimentonan por dura un paar di dia solamente caminda ta papia di sintomanan leve.

Ora ta papia di depresion ta ora cu e sintomanan aki ta existi pa un tempo mas largo di por lo menos 2 siman sigui y caminda e kehonan ta mas grave cu ora bo ta sinti un tristesa pasahero pues cu ta dura un paar di dia solamente.

E sintomanan di depresion por ta;

- Bo tin falta di apetit y bo no tin smaak di come;
- Dificultad pa drumi caminda bo no

**WASTE HANDLING
CLEANING SERVICES**

10FT

20FT

30FT

PRIJS DI BAKI:
AF 150-175-200-250

*PRIJS TA DEPENDE DI KI TIPO DI SUSHI

YAMANOS NA:
560 3500 OF 563 4201



Parlamentario Benny Sevinger

PROME CU PANDEMIA A SIGURA HULANDA DI LO CORTA DEN SALARIO DI AMBTENAARNAN

No ta nada facil pa ningun gobierno rond mundo, atende cu e impacto economico y financiero cu e pandemia di corona virus a ocasiona, sinembargo aki na Aruba tin un gobierno cu a dicidi di tuma decisionnan contra di Parlamento, contra di su trahadonan, contra interes di pais Aruba.

Miembro di fraccion di AVP, Benny Sevinger a muestra cu apesar di e pandemia aki cu tambe Aruba ta sinti su efecto grandi, gabinete Wever Croes prome cu e pandemia aki a bati na porta, ya caba gobierno tabatin un set di medida na caminda pa tuma.

“Esaki ta berdad ya cu prome cu e pandemia a yega den nos pais, gabinete Wever Croes tabatin un set di medida cu nan a sigura Hulanda cu nan lo bay tuma, caminda principalmente a bisa cu lo bay na reduci gastonan di personal den forma structural.

Aworaki gobierno ta usando e pandemia como excusa bisando entre otro cu Hulanda ta esun cu ta poniendo presion pa corta den salario di ambtenaarnan pero esaki tabata algo cu mester a sosode caba sin e pandemia mes.

No ta por nada gobierno a informa e sindicatonan cu nan por wel lubida indexing ya cu ta 75 cen nan por haya ya cu a palabra cu Hulanda caba cu nan ta bay corta den gasto en bes di aumenta gastonan.

Na momento cu pandemia a bati na porta, gobierno a

bin Parlamento caminda fraccion di AVP a duna cooperacion pa un reunion publico pa pasa un presupuesto caminda Aruba lo mester bay fia placa, pa di e forma aki por bay fia placa pa di e forma ey por garantisar entrada di pais Aruba.

Gabinete Wever Croes a bin parlamento y a trece un presupuesto di mas cu 1.3 biyon florin di deficit.

Esaki ta nifica cu gobierno a bin pidi parlamento pa duna nan autorisacion pa fia 1.3 biyon florin sin cu nan a corta den e presupuesto, sin cu nan a tene cuenta cu entradanan cu por ehempel cu Aruba lo haya den e pandemia aki mes, ya cu por bisa cu economia lo cay c; un porcentahe hopi grandi pero tog lo tin placa cu lo dreña den caha di gobierno y no a tene cuenta cu esaki.

Gabinete Wever Croes simplemente a dicidi di bay fiha full e presupuesto y esey a dicidi di manda Hulanda y ta mas cu claro cu Hulanda ta punta cual ta e tarea cu gobierno di Aruba lo bay haci manera priminti, di baha gasto di personal.

Esey ta e prome pregunta cu Hulanda a haci na gabinete Wever Croes y si dado caso gobierno tabata di acuerdo caba pa baha salario di ambtenaarnan, caminda ya caba nan a bisa Hulanda cu nan ta bay reduci gasto di personal cu 90 miyon florin.

Ningun momento Hulanda a existi pa corta salario di



ningun trahado publico pero Hulanda a bisa pa baha gasto di personal y pa esaki gabinete Wever Croes tabatin dos escogencia, caminda por baha gasto di coordinadonan y tur hende cu gobierno a nombra.

E otro ta di e ministernan cu ta los for di e ministernan cu tey aworaki manera Nel Oduber, Eddie Briesen, Nilo Swaen, Rudy Croes y awor Otmar Oduber cu tambe ta den e lista aki, kendenan ta cobrando nan pensioen pero ta cobrando un salario tambe.

Tambe tur e rumannan di e ministernan, caminda Minister Glenbert Croes tin tres ruman trahando p'e, tur e primo-primanan di Prome Minister Wever Croes, ta eynan mester a cuminsa corta pa muestra Hulanda cu en berdad ta cortando gsto di personal. Pero no kico gabinete Wever Croes a dicidi pa haci, ta di laga tur e hendenan eynan na trabou y ta dicidi di bay corta completo den e aparato di ambtenaar y usando e excusa cu ta Hulanda kier impone e cos aki riba gobierno.

Esaki ta inaceptabel, tur hende ta dispuesto pa entrega pero den e forma aki caminda tin cu duna gobierno espacio pa keda duna friends and family, oficina di abogado cu ta di papa cu ta bay cu miyones, pa sigui cumpli cu esaki, tur ambtenaar tin cu wordo

sacrifica.

Hulanda a bira bisa cu e kier un maneho structural den e proceso di reduccion di gasto di personal y nada di te cu december pero te cu “nadere orde,” loke por bira “tot semper.”

Esaki ta un decision cu gabinete Wever Croes a tuma sin bin Parlamento, sin dreña den dialogo cu

e sindicatonan y awor kier laga pasa cu ta Hulanda ta poniendo presion mientras cu tur documento di acuerdo riba plan di reduccion di gasto di persona, a wordo firma pa Prome Minister y Minister di Finansa for di varios luna pasa prome cu e pandemia a bati na porta,” Parlamentario Benny Sevinger a declara.

SOLO Di Pueblo

CLASIFICADO

e-mial: solodipueblo@gmail.com

ALL TO CAR
NEW WORKSHOP

SPECIAL OFFERS FOR 3D WHEEL ALIGNMENT

RETAIL PRICE 130⁹⁵ AFL
OUTLET PRICE 89⁹⁵ AFL

SPECIAL CARS

LATEST GENERATION MACHINE
HIGH QUALITY CARS
USA SPECIAL TECHNICIANS

RETAIL PRICE 144⁹⁵ AFL
OUTLET PRICE 99⁹⁵ AFL

COME AND CHECK ALL THE FLUIDS OF YOUR CAR FOR FREE

ALL TO CAR
PREMIUM OUTLET

FOR THE BEST SERVICE DON'T FORGET TO MAKE YOUR APPOINTMENT 796.28.30 / 791.25.30

YOUR FACTORY OUTLET

SERVICIO Y COMPRA

Cilantro's Grill Menu

Breakfast - Lunch - Dinner

CUMINDA CRIOYO

Sopi di Dia Special

Pa Pedidos: 594 0635



PUEBLO A HAÑA SU PEN BEK

Pa kualkier informacion
solodipueblo@gmail.com
of
585-9500



TA BUSCANDO
TERENO EIGENDOM
pa cumpra
Den area modanza,
paradera, rooi afo
Min.400m2
(na bon prijs)
Contact 5647522 / 21

BUSCANDO
doñonan di
terenonan eigendom
@ ROOI AFO 22
Ta interesa pa
cumpra
5647522 / 21

WASTE HANDLING CLEANING SERVICES

SCEPTIC TANK (7 CUBE)

**PRIJS SPECIAL
AWG 75,-**



YAMANOS NA:
560 3500 OF 563 4201

CUSTOM CONTRACTORS N.V.

TA BUSCA PA EMPLEO

Custom
Contractors NV
ta buscando
Scaffold Build-
ers cu experencia
den refeneria y
cu certificacion.

Pa mas informa-
cion, please tuma
contacto cu nos
via telefon
na: **584-2525** of
pasa serca nos na
Zeewijk 68,
San Nicolas pa
yena nos formu-
lario

CUSHINA DI NESTOR TUR DIADOMINGO

Siribana 45a na "Sta Cruz"

Plato Chikito	
BBQ MIX.	13,-
BBQ GALINJA.	13,-
BBQ LOIN RIBS.	14,-
BBQ PORKCHOP	13,-
Plato normal	
BBQ MIX.	16,-
BBQ GALINJA.	16,-
BBQ LOIN RIBS.	17,-
BBQ MIX EXTRA.	18,-
LOMITO.	18,-
CABARON.	19,-
BBQ SPECIAL.	25,-
PALO CABARON.	7,-
PALO LOMITO.	6,-
SALADA EXTRA.	2,50
AROOS CON POLLO	3,50

**TA HABRI TUR
DIADOMINGO
DI 11 AM TE CU
4:30 PM**

Por jama of whatsapp pa pedido na 7497071
of pasa libremente na Siribana 45@ n.a. St Cruz
SOCIAL DISTANCIA 1:50/2 METER.



Maduro Heavy Equipment N.V.

Nos tin servicio di BOBCAT

Pa tur tipo di santo, piedra y graniet
Pa trabao di rosamento y cobamento
di fundeshi of Pos

Tin special riba diarazon
Rooi Bosal 49
Tel: 5851708/5943207/5931608

TA FURA

Orange Matrassen Fabriek

30% Y 40 %
di descuento riba cashi paña
y cashi television.

Matras y Box
Busca mainta y haye atardi.
Set di sala, comedor etc.
Tel: 588-7468 / 593-4387

“Señor ta mi wardador, mi’n tin falta di nada
Den cunucu di yerba berde e ta ponemi sosega.
E ta hibami na awa trankil,
Pa mi bolbe haña forsa”.
Salmo: 23

Cu inmenso dolor na nos curason, pero conforme
cu boluntad di Dios, nos ta anuncia fayecimento tragico
di nos estimado yiu, compañero di bida, tata,
ruman y omo



LEONARD ANTHONY BOEKHOUDT

“Boegie”
*27-10-1985 - †23-05-2020

Acto di entierro lo wordo anuncia despues.

ORACION DI DIA

UN FELIZ DIA BENDICIONA RUMANNAN CARGA CU E AMOR Y PAZ DI SEÑOR

Consagra nan pa medio di berdad: Bo Palabra ta berdad (Hn 17,17)

Ma tur esnan cu acept’E, El a duna derecho di bira yiu di Dios.
Esnan cu a acepta Cristo a acepta e berdad, e Amor di Tata. Den e
Palabra di Tata, esta den Cristo, nan a descubri e bida di Trinidad
y e espacio spiritual den cual nan lo por topa plenamente cu nan
Dios. Den e unico Yiu, tur Cristian pa medio di Bautismo ta bira
yiu adoptivo di Tata, nan ta ricibi Spirito Santo y Dios ta yama nan,
biba bida mes di Dios. Un bida cu ta duna nos speransa pa medio
di e amor cu Dios ta siña nos. Dios ta e berdad mes, Su Palabra nan
no por gaña. P’esey den tur cos hende por entrega su mes cu tur
confiansa na e berdad y na e fieldad di e Palabra di Dios, e unico
y stim’E cu tur bo ser, lo tin inmenso consecuencia pa henter nos
bida. Dios, Esun cu TA berdad y amor.

Oracion: Señor, Abo cu ta e unico berdad, muestra mi Bo camind-
anan Señor, e direccion cu Bo kier pa mi scoge. Guia mi pasonan
segun Bo berdad.

Amen.

FOR SALE


Mitsubishi lancer 2009 90 km
airco automatic coriendo mesco
nobo garantia riba motor 1 anja.
Airco garantia 6 luna.
Bon muziek 5694343 - 10500 fl
POR YAMA CEL. 5694343



Tucson 2013
\$12,000.00



CHEVROLET EQUINOX 2017
\$34,000.00



Gradicimento

Famianan Sharpe, de Palm y Moons kier a gradici
tur esnan cu na un of otro manera a duna sosten,
consuelo y forza durante e dianan di tristesa cu e
fayecimento di nos ruman defunto stima:

**DENISE MARIE
SHARPE**



Alavez nos kier gradici na nomber di su yuinan La-
etitia y Deborah Martina na Hulanda tur esnan cu
a reacciona riba e link di memori.nl cu bunita pal-
abranan di sympathia y cu a sende un bela virtual
na honor di nan mama stima den feliz memoria:

<https://www.memori.nl/gedenkplaats/denise-sharpe>

Diabierna dia 29 di Mei pa 7’or PM lo tin un Santa
Sacrificio di Misa, cu protocol di distancia social,
pa conmemora Denise Sharpe na Capiya Santa
Famia na Pos Chiquito, Aruba.

Dios bendiciona boso tur

Señor ta mi wardador, mi'n tin falta di nada
Den cunucu di yerba berde e ta ponemi sosega.
E ta hibami na awa trankil, Pa mi bolbe haña forsa".
(Salmo: 23:1)

Cu inmenso dolor na nos curason, pero conforme cu boluntad di Dios, nos ta anuncia fayecimento tragico
di nos yiu stima, compañero di bida, tata, ruman y omo



LEONARD ANTHONY BOEKHOUDT

"Boekie"

*27-10-1985 ~ †23-05-2020

Na number di su:

Compañera di bida:

Yiunan:

Mayornan:

Rumannan:

Josephine Kock

Josielienne, Leonard y Josiella Boekhoudt

Antonieta Koolman y Alvin (Donny) Boekhoudt

Donaliza Boekhoudt y Joost van Garderen

Alvin y Jeritza Boekhoudt

Jonathan y Nazanin Boekhoudt

Jonovan Boekhoudt y Geraldine Dirksz

Alexandra Boekhoudt y Jaimyson Bernabela

Marietje Boekhoudt y Rafael Flanders

Madonna Boekhoudt y Hilward Piter

Welo y wela nan:

†Ambrosio Boekhoudt y Maria Boekhoudt-Maduro

†Leonardo Koolman y †Malita Koolman-Chiriño

Suegro:

Mickel Kock

Suegra:

Norma Valdez

Sobrino(a)nan:

Aiden, Tejay, Ji-zion, Noa Jade, Jonas, Jodivienne, Jahlixion, Jahlixia, Maison, Rayden, Danaly, Anabella

Cuñanan:

Suhail y Hendrick Ridderstap

Melitza Kock y Jose Andres Blanco

Noritza Kock y Gillian Ras

Madrina:

Lili Irausquin

Padrino:

Remy Kelly

Padrino y omo stima:

Wilfred Koolman

Ihanan:

Angeline Kock y Marc Croes

Prima stima:

Jacqueline Nissa y yiunan

Mihor amigonan:

Roderick (Jiki), Ronny Geerman, Michael Ling, Coba, Luwi, Ichi.

Tur su tanta y omonan, primo y primanan, coleganan di KPA, y tambe tur su amigo nan di Crush Power softball team, amigo nan di bario, amigo nan den e mundo di deporte cu ta hopi pa menciona.

Si den nos tristeza nos por a lubida algun famia of conocir nos ta pidi nos mas sincero disculpa.

Acto di entierro lo tuma lugar diasabra 30 di mei 2020 na Aurora Funeral Home di 12'or pa
4'or di atardi, despues saliendo pa Santana central na Sabana Basora.

INVITACION PA SANTO SACRIFICIO DI MISA



Famia Gomes kier a invita tur famia, amigo, bisiña y conocirnan pa un Santo Sacrificio di Misa pa recorda e promer luna di fayecimento di mi Esposo, nos Tata, Welo y Bisawelo stima,
Rosindo "Chimbo" Gomes,
Diaranson 27 di Mei 2020 pa 7'or di anochi na Misa "Immaculada Concepcion" na Santa Cruz. Boso presencia lo ta altamente aprecia.

Abona na



A BO NO MESTER SALI DI CAS

Yama **585-9500** of

e-mail nos na **solodipueblo@gmail.com**

Tur marduga nos ta entrege den bo

porta di cas!

Noticia cayente, ta aki bo ta haye!

Gradicimento

Cosma Geerman-Ras/Mama Tina

*27-09-1927 †27-04-2020



Pa medio di esaki nos kier a gradici tur esnan cu di un of otro manera a compaña nos durante e momento nan difícil di inmenso dolor y tristeza cu fayecimento y entierro di nos kerida y estimada Mama.

Un danki especial di curason na tur yiunan y nieta(o) nan cu tabata tey dia y nochi cu Mama durante su enfermedad y muy especial durante e ultimo fin di siman. Na Edward y crew cu a hasi tur nan maximo esfuerso pa hasi posibel cu tur yiunan y famianan den exterior por a atende e entierro en bibo tanto na funeraria como den santana.

Dr. Wassenaar durante e promer aña nan di enfermedad y henter e team di Oncologie, danki di curason pa e guia, sosten y atencion cu boso a duna Mama durante tur e añanan. Danki di curason na Dr. Anthony, Ayrine y demas assistentnan cu semper tawata cla pa duna ayudo y sosten durante Mama su enfermedad. Danki na personal di Botica Central pa tur e bon guia y conselhonan. Na tur verpleegkundig nan di Wit Gele Kruis pa e pasenshi y bon cuido. Na Mama su asistentenan Euri y Krystle pa e dedicacion y cu hopi amor a atende.

Na Legion di Maria Santa Cruz pa tur e oracion nan hasi cu Mama, ora hasi peticion pa esey y boluntariamente.

Na tur esnan cu a compaña nos dia di fayecimento y durante e dia di entierro tanto na Royal Funeral y na Santana. Na tur esnan cu a manda flor, carchi y tambe danki pa e palabranan di consuelo y alimento spiritual via jamadanan di telefon, wzp y mail nan cu nos a ricibi. Boso muestra di atencion tabata y lo keda un gran consuelo pa nos. Y sin lubida e staff y personal di Aurora Funeral Home.

Santo Sacrificio di Misa pa recorda e promer luna di fayecimento di nos kerida y stima Mama Tina "Immaculata Concepcion" na Santa Cruz.

Despues di Misa lo tin un Santo Rosario na cas na Santa Cruz 304.

Di parti nos kerida Mama su yiunan: Jacenta, Rebecca, Mena, Anchi, Fachí, Reina, Sita, Macca, Chito y Dina.



Se asegura que esta Oración se encontró el año de 1550 sobre el Sepulcro de N. S. Jesucristo y se la enviaron al Emperador Carlos El Grande cuando partía a combatir en San Miguel, en Francia.

Todo aquel que rece o lleve encima esta Oración será preservado de muerte repentina, de morir ahogado, quemado, de ser envenenado y de toda clase de accidentes. Las mujeres tendrán partos felices y al niño a quien se le aplique, será preservado de todo mal. Cura la epilepsia.

El que propague esta Oración recibirá muchas bendiciones y gracias. La casa donde se conserve con respeto y devoción, será preservada de las tempestades.

El que la rece diariamente, no morirá sin los Sacramentos.

(Con aprobación Eclesiástica)

† EMILIO, Arzobispo

Rezar esta Oración el Viernes Santo a las 3 p.m. y de preferencia el 3 de Mayo.

ORACION

Dios, Todopoderoso, que habéis padecido muerte de cruz por mis pecados, venid a mí Jesucristo, por tu Santísima Cruz, tened piedad de mí, tened piedad de nosotros, Santa Cruz de Jesucristo, sed mi esperanza Jesucristo, por la señal de tu Santa Cruz, retirad de mí, toda arma cortante, derramad sobre mí, toda clase de bienes. Por la Señal de tu Santa Cruz, apartad de mí todo mal Santa Cruz de Jesucristo, sed mi salvación, apartad de mí, todo peligro de muerte; preservadme de toda clase de accidentes temporales. Yo adoraré a Nuestro Señor Jesucristo Crucificado y veneraré la Señal de su Santa Cruz. Jesús Crucificado, tened piedad de mí; haced que el espíritu malo huya de mí, ahora y siempre, por todos los siglos de los siglos. Amén.

Por tu Santa Encarnación, por tu glorioso nacimiento, por tu Santísima Sangre, por tu Corona de Espinas, tus Sagradas Llagas y preciosa Muerte en el memorable Viernes Santo, tened piedad de mí. libradme de todos los males en este mundo y llevadme después al cielo, para bendecirte y amarte por toda la eternidad. Amén.

SEÑOR, scucha mi oracion!
Scucha mí pidimentu,
contesta mi,
pasobra Bo ta fiel, Bo ta hustu.
Salmo 143: 1

Nos ta anuncia fayecimento di



ROSIMBO WEBB

"Papa Chimbo"

*30-10-1938 - †25-05-2020

Na number di su:

Mayornan: †Venancio y Novita Webb-Vrolijk

Casa: †Epifania Webb-Henriquez

Yiunan: Rudolfo y Omayra Webb

†David y Maryenis Webb

Danilo Webb y Jeanette Beaumont

Jeffrey y Jahaira Webb

†Maria Jose

Andreina Webb

Manera yiu: Rudolf Bernabela y sra.

Nieto(a)nan: Ruthlyn, Kathy y famia, Genlyn y famia, Joshue, Dauner y famia, Divnad y famia, Danvid y famia, Giandric, Danietza y famia, David, Dajejan, Kerrelain, Jullie, Jessica

Rumannan: †Louis Peña y famia

Alberto Webb y famia

Rosa Webb-Croes y famia

†Berta Webb y famia

†Carmen Webb y famia

Swa y cuñanan, sobrina y sobrinonan, bisniñanan, ihanan, Comer y compernan, amistades y conocirnan

Demas famia: Webb, Henriquez, Geerman, Cantillo, Beaumont, Rasmijn, Barnabela, Thompson, Gonzalez, Dekker, Haggens, Tromp, Hasham, Vrolijk, Croes, Peña, Dirksz, Valdez, Hoevertsz, Maduro, Erasmus, Kock, Werleman

Danki special na Dr. S. Kock y Wilhelmina Kankerfonds

Dispensa nos si den nos tristeza nos por a lubida algun famia.

Acto di entierro lo ta tuma lugar

Diahuebs 28 di Mei 2020

na Aurora Funeral Home di 9'or pa 11'or di mainta despues saliendo pa Santana catolico na Sta Cruz.